

四庫全書

子部

欽定四庫全書

御定淵鑑類函卷一百

設官部四十

王侯官屬總載 諸王相 諸王友 諸王傅 諸王師

諸王國郎中令

諸王國中尉 諸王國常侍

諸王國侍郎

諸王國典 諸王長史

增王府諮議

王府東西閣祭酒 王府司馬

王府侍讀

王府直講 王府翊善 紀善附

王府記室參軍

王府大小學教授 王府掾

王府官屬雜附

王侯官屬總載一

原杜氏通典曰周制諸侯有上大夫卿下大夫上士中

士下士凡五等

上大夫曰卿

諸侯之大夫不世爵祿公國孤

一人

孔安國注虞書曰公之孤鄭康成周禮云公之孤四命王制曰天子使其大夫監於方伯之國國三

人是為三監使佐方伯領諸侯此殷禮也其祿視諸侯之卿其爵視次國之君其祿取於方伯之地蓋牧國則有之故儀禮燕禮云若有諸公則先卿獻之

鄭注曰言諸者容牧有三監皆以為公也

大國三卿

皆命於天子

命於天子者天子選用之如今詔書除吏也

次國三卿二卿命

於天子一卿命於其君

左傳曰管仲受下卿之禮避天子之二守國高故也明國高是

天子之命卿也

小國三卿一卿命於天子二卿命於其君

王制曰小

國二卿皆命於其君鄭注云誤也正義曰此兼夏殷禮也夏之大國謂公侯也殷大國謂公也依周而言謂立

司徒兼冢宰之事立司徒兼宗伯立司空兼司寇也故
左傳云魯季孫為司徒叔孫為司馬孟孫為司空此三
卿也以此推之則知諸侯不立冢宰宗伯司寇按崔氏
云魯已有孟叔季三卿為政而更有臧氏及孔子並為
司寇則皆每國下大夫五人上士二十七人周禮五等
小司寇也
五大夫二十七士皆與此同但公國長有四命孤一人
其卿三命大夫再命侯伯之卿大夫亦如之子男之卿
再命其大夫一命其士不命

大國之卿不過三命下卿再命小國之

卿與大夫一命

不言次國者以大國之下互明
之也此卿命則異大夫皆同

次國之

上卿位當大國之中中當其下下當其上大夫小國之
上卿位當大國之下卿中當其上大夫下當其下大夫

此諸侯使卿大夫類聘並會之序也至於周衰諸侯失其位將同小國在下將異固在上耳

制號令自己其名不一於是正卿當國謂之相而楚謂

之令尹其他異同難悉數矣

孫卿子曰孫叔敖曰吾三相楚而心愈卑每益祿而

施愈博位滋尊而禮愈恭

史記曰楚民俗好卑車王

以為不便馬欲下令使高之

叔敖曰令數下民不知所

從王必欲高車臣請教閭里使高其梱王許之居半載民悉自高其車此不教而民從其化故三得相而不喜

知其才自得之三去相而不悔知非己之罪

淮南子

曰蘧伯玉為相子貢問何以理國曰不理理之

又曰

子產為鄭國相一年豎子不戲狎斑白不提挈童子不犂畔二年市不貳賈三年門不夜關道不拾遺四年田

器不歸五年土無尺籍

又孔子攝行魯相事有喜色

乃誅大夫亂政者少正卯與聞國政三月鬻羔豚者弗

飾賈男女行者別于塗塗不拾遺四方之客至于邑者不求有司皆予之以歸又公儀休為魯相奉法順理無所變更百官自正使食祿者不得與民下爭利受大者不得取小客有遺相魚者不受客曰聞君嗜魚何故不受相曰以嗜魚故不受也食茹而美拔其園葵而棄之見家織布好而逐出其婦燔其機曰欲令農夫女工安所售其貨乎

漢制凡諸侯王官其傅為太傅相為丞相又

有御史大夫諸卿皆秩二千石百官皆如漢朝漢朝惟為置丞相其御史大夫以下皆自置之及七國作亂之後景帝懲之遂令諸侯王不得治民令內史治之改丞相曰相省御史大夫廷尉少府宗正博士官武帝改漢

內史中尉郎中令之名

內史為京兆尹中尉為執金吾郎中令為光祿勳

而王

國如故員職皆不得自置漢初王國有傳

掌輔導王初曰太傅後除

太相本統衆官後省內史而相理民如郡太守

內史

治國

中尉

掌武事

郎中令

秩千石

僕

本曰太僕改曰僕墨綬

文學

宋志云前漢王國已置文學

大司農衛

士長 太倉長

齊善醫淳于意為之

列侯國亦有相

改所食國令長為之漢

初侯王有丞相兼有相國按史記周勃破燕王盧綰得相國一人丞相二人景帝省之

餘略與王

國同成帝鴻嘉三年詔七大夫以上皆令食邑

秦本制列侯乃

得食邑七大夫非七大夫以下皆復其身及戶物事

一戶之內

皆不
徭賦

是歲又令吏民得買爵賈級千錢

賈讀
曰價

後漢王

國有傳

如師不臣
二千石

相

內史

如郡丞

中尉

郎中令

掌五
大夫

郎中宿衛官
如光祿勳

僕主車
馬

持書

奉使至
京都

謁者

禮樂長

衛

士長

醫工長

永巷長

祠祀長

郎中

其紹封

削誅者中尉內史官屬隨亦率減列侯國置相

其秩各
如本縣

主治民如令長不臣也但
納租于侯以戶數為限

其官隨國大小為增減食邑

千戶以上置家丞庶子各一人

此家臣也
使理家事

不滿千戶則

不置家丞舊置行人洗馬門大夫等官又悉省

魏制

王國有保 傅 相 常侍 侍郎 郎中令 中尉

大農 文學 友 謁者大夫 諸雜署令 丞

晉制王國更置戶邑皆中尉領兵皆自選其文武官

晉

王攸以當時王家人衣食皆出自御府乃表租秩足自供遂求絕之

東晉王國有傅

友 武帝初置一人蓋因文王仲尼四友之名

典書令丞

文學 郎中令

中尉

大農 為三卿

左右常侍

大國各二人次國各一人掌贊相獻替

內史

改太守為內史又晉書曰改國相為內史

將軍

大國上中下三將軍領兵五千人次國上下二將軍各一

人領兵三千人小國一軍領兵二千人

典祠典衛學官令治書中尉司馬

世子庶子陵廟牧長謁者中大夫舍人典府等其後省

相及僕省郎中置侍郎二人公侯以下國官屬遞減晉書

曰詔以壽光公鄭沖及朗陵公何曾國皆置郎中令

又曰元帝初渡江即晉王位諸參軍奉車都尉掾屬者

百餘人時人謂之百六掾

宋制大小國皆有三軍自明帝以後皇

子皇弟雖非都督亦置記室參軍小號將軍為大郡邊

守置佐吏者又不置長史餘則同晉王國有師改傳為之自

內史相記室以下官多與晉同

孔顗有辭記室參軍箋曰記室之要須通才敏

思性情縝密者為之凡郡縣內史相並於國主稱臣去任便止孝

武帝孝建中始革此制不得追敬不得稱臣止宜云下

官而已 齊制王國有師 諮議

張岱字景山歷臨海章郡晉安三王府諮

議三王行事事舉而情得

文學等官公侯置郎中令一人卿餘與晉

宋同 梁制王國置傅相

公以下則臺各為選置之皆掌知百姓事

郎中令

將軍常侍典書令典衛長

伯子無典衛

典祠以下自選備上

諸官多同前代若王加將軍開府則置長子司馬及記

室掾屬祭酒主簿錄事等官屬嗣王則唯置郎中令中

尉常侍大農藩王則無常侍制與後漢同 陳制皇弟

皇子府置師長史司馬從事中郎諮議參軍友掾屬記

室等官其嗣王藩王府則遞減之王國置郎中令將軍

常侍典祠令舍人等官其嗣王藩王則遞減其員

諸王公參

佐等官仍為清濁或為選司補用亦有府樂牒拜授者不拘年限去留隨意在府之日唯賓遊宴賞時復循從更無餘事若隨府王在州其寮佐等或亦得預催督若其驅使便有職務其衣冠子弟多自脩立非氣類者唯利是求暴物亂政皆此之類

後魏諸王侯亦各有師友文學侍郎

掾屬舍人等官

時王國舍人應取八族及清脩之門咸陽王儉乃取任城王隸戶為之深為孝

文所責

北齊諸王置師一人餘官大抵與晉宋梁制不

異 後周皇弟皇子置友及學士等員外餘吏闕聞

隋制親王置師友文學長史司馬諮議掾主簿錄事功

曹記室戶曹兵騎法士等曹參軍東西閣祭酒參軍事

典籤等員嗣王則無師友

諸王公以下置官屬各通減

煬帝更名王

府參軍為諸司佐屬參軍則直以屬國為名改國令為

家令餘以國為名者皆去之 唐制親王府各置官屬

凡府官國官王領親事帳內二府及國官貞觀十六年

未出閣者不置

制王府官以四考為限

高宗時滕王元嬰江王元詳蔣王揮號王鳳俱以貪暴為吏人

所患有授其府官者皆比嶺外荒裔為
之語曰寧向儋崖象白不事江滕蔣號
嗣聖二年初置

公府官員武后天授二年又置王孫官員親王府置傅

一人

師範輔導參議可否初置王師景雲二年改為傅

諮議參軍一人

匡正幕府諮謀

庶友一人

陪隨左右拾遺補闕

文學二人

脩撰文章警校經史

東西閣祭酒

各一人

接引賓客

長史司馬各一人

通判判掾一人

通判功倉戶三曹

屬

一人

通判兵騎法士四曹

主簿一人

覆省教命

記室參軍二人

掌表啓書疏行

宣敕命

錄事參軍一人

受事勾檢

功曹倉曹戶曹兵曹法曹士

曹等參軍各一人

各有所主

參軍二人行參軍四人

掌出使及雜檢

校

典籤二人

宣傳教命

親事府置典軍副典軍各二人

掌守衛陪

從執仗親事

執弓刀衛從

執乘親事各十六人

供進騎乘

親事三

百三十三人帳內府置典軍副典軍各三人

掌儀衛陪從兼知鞍

馬帳內六百六十七人親王國

施行公文準等署式嗣王以下府準此

國

令一人大農二人

通判國司

尉二人

分判

丞一人

監印勾稽

小吏有

差若府主薨則諸府佐親事帳內過葬追退

雖無妻子亦準此

其國官聽終喪

若有襲爵者聽其迴事

增事文類聚曰宋王府

師傅係以兼官為之而無定員又有翊善直講贊讀記

室及諸王宮大小教授等官 遼史曰遼王傅府置王

傅親王內史府置內史長史參軍諸王文學館置諸王

教授諸王伴讀又有王子院掌王子各帳之事置王子

太師王子太保王子司徒王子司空王子班郎君又有

王府近侍王府祇候親王祇應司 金史曰金親王府

屬官傅

若親王在外亦兼本京節鎮

同知府尉本府長史

明昌三年改掌警嚴

侍從兼總統本府之事

司馬

同檢校門禁總統府事

文學二人

掌贊導禮義資廣學問

記室參軍

掌表牋書啓之事大定七年始置二十年不專除令文學兼之

元史曰元

止置傳府尉司馬文學記室參軍 大明會典曰明親王府長史司左右長史典簿審理所正副典膳所正副奉祠所正副典樂典寶所正副已上俱各一員紀善所紀善三員良醫所正副典醫所正副已上俱各一員伴讀一員教授一員引禮舍人三員工正所正副一員各倉庫大副使一員郡王府教授典膳建文更定官制至永樂初俱改正從洪武之舊

王侯官屬總載二

增大山

西邸

翰苑新書云淮南王安好書招致賓客數千人八公之徒感慕其德各竭材智

著述篇章分其詞賦以類相次或稱大山小山猶詩有大雅小雅也山堂肆考云竟陵王子良開西邸招文

學沈約蕭琛王融謝朓陸倕范雲任昉等遊號稱得人

又事文類聚云子良開西邸王僧孺虞羲丘國賓蕭文

瑋丘令楷江洪劉孝

子鸞府

竟陵邸

翰苑新書云宋武帝時殷

孫並以善辭藻游焉

淑儀寵傾後宮子始平王子鸞愛冠諸子凡為上盼遇者莫不入子鸞府下見上

文學館

資善堂

新唐書褚亮傳云初武德四年太宗為天策上將軍宮城西作文學館以五行臺司勳郎中杜

如晦記室考功郎中房玄齡及于志寧軍諮祭酒蘇世

長天策府記室薛收文學褚亮姚思廉太學博士陸德

明孔穎達主簿李元道天策倉曹參軍事李守素王府

記室參軍事虞世南參軍事蔡允恭顏相時著作郎攝

記室許敬宗薛元敬太學助教蓋文達軍諮典籤蘇勗
並以本官為學士七年收卒復召東虞州錄事參軍劉
孝孫補之號十八學士藏之書府以章禮賢之重方是
時在選中者天下所慕向謂之登瀛洲記纂淵海云
紹興五年初置以命朱子開范元長時孝宗以建國公
就傳故也妻機為資善小學教授時皇太子為惠國公
日陳正言正道又以屢朝事親脩身治國愛民四事手
書以獻置之左右朝夕觀省孝宗出閣就第而信王幼
亦命近臣踵為之開禧元年七月皇子初封榮王命程
少逸左史兼贊讀少逸以祖諱辭乃命軍器監趙子中
夢極兼領其不稱王府而以資善繫銜以未出閣也
遂留王府給事潛邸元史

云邨經憲宗三年世祖以皇弟開邸金蓮川名經諮以
經國安民之道條上數十事大悅遂留王府又云程

思廉給事裕宗
潛邸以謹愿聞

留居藩府

曳裾王門

元史云譚澄世祖在潛邸

時澄入見嘉其容止安詳留居藩府稱其官而不名
彙苑云吳王濞陰有邪謀鄒陽上書諫之曰臣何王之
門不可曳
長裾乎
清切藩房
雍容王府

合辟事類云清切藩房寂寥舊蹕出

謝朓

彙苑云談經王府

元之高選
君實重名

揮玉塵以雍容出淇水制

合辟事類云睦彼藩邸高選經佐出除姚元之制

山

堂肆考云宋仁宗諭執政曰延安郡王出閣當議官僚
執政對曰司馬光有重名宜為郡王
羽翼如呂公著孫覺皆可以任之

安用舞靴
諫

習鞠戲

又云宋仁宗就邸英宗命韓魏公擇宮僚公薦用王陶韓維等一日內侍以宮樣靴進維曰王

安用舞靴神宗亟令毀之

又云宋陳俊卿在普安郡

王邸一日王習球鞠之戲公取韓愈諫張建封書以諷

王王即為誦全文不遺一字公退而

喜曰王聰明而樂誅社稷之福也

王侯官屬總裁三

增秦王友

玉海云秦王有友于志寧諮議實綸蕭景記室房玄齡虞世南唐皎然思魯文學姚思康

褚亮兵曹杜如晦鎰曹褚遂良士曹戴胄閻立德參軍事薛元敬蔡允恭主簿薛收李道元典籤蘇幹

選賢才

新唐書云孫伏伽武德初言曰皇太子諸王左右執事不可不擇願選賢才澄僚友之選

東賢者

又云褚遂良授秦王府鎰曹參軍太宗謂遂良曰自古宗姓無良則傾敗相仍公等為我東賢

者保

以宰相兼

玉海云高宗中宗時相王府長史以宰相兼之姚崇以鳳閣侍郎韋安石

以中書令魏雍衛王府以尚書兼之

資望愈下

又徐韓二王為刺史府官同外官資望愈下永

淳以前王未出閣則不開府元宗諸子不出閣王官益輕而名亦減

直秦王府

新唐書云杜正

倫太宗素知名表
直秦王府文學館

授諸王經

又云吳通玄父道璿以道士詔授太子諸王經

故通玄等皆得侍太子游太子待之甚善

申白入楚

鄒枚游梁

申穆

重名

應徐洪藻

玉海

出綽中宸

橫經宗邸

種學

績文久想鳳儀之舉

橫經教授將成麟趾之風

沛

易楚詩稔聽師資之訓

文昭武穆宜多信厚之風

高帝子孫固有殊人之龍種

梁王賓客豈徒授簡於

兔園

茂仙源之王葉政藉師資侍講席於金華更觀

盛舉

諸王傳一

原是儀盡忠

賈誼哭泣

吳志云是儀北海營陵人南魯二宮初立儀以本職領魯

王傳嫌二宮相近切乃上疏以二宮宜有降殺正上下之序書三四上為傳盡忠動輒規諫史記曰賈誼為梁懷王太傅王墮馬死無後賈生自傷為傳無狀哭泣歲餘亦死

增轅固廉直杜

林守慎

山堂肆考云漢轅固齊人也治詩景帝時以廉直拜清河王傅事文類聚云後漢皇太子彊

求乞自退封東海王故重選官屬以杜林為傅從駕南巡狩時諸王傅數被引命或多交游不得應詔惟林守慎有召必至特授賞賜

謹選師傅

亦有學業

玉海云文

又辭不受帝益重之

宗將立魯王為太子謹選師傅庾敬休以戶侍為燕王傅又陸德明以經授中山王狄兼蒼為益王傅唐書

云丘悅河南人亦有學業景龍中為相王府掾與文學
韋利器典籤裴耀卿俱為王府直學士睿宗在藩甚重
之官至
岐王傳

原漢文思賈誼

漢武重始昌

漢書云賈誼為長沙王太

傅後歲餘文帝思誼徵之至入見上方受釐坐宣室因
問鬼神事誼具荅至夜半文帝前席既罷曰吾久不見
賈生自以為過之今不及也乃拜誼為梁懷王太傅
又云夏侯始昌通五經以齊詩尚書教授自董仲舒韓
嬰死後武帝得始昌甚重之始昌明於陰陽先言柏梁
臺災日至期果災時昌已王以少子愛上為選師始昌
為太
傅

諸王傳二

原改名太傅

續漢書百官志云王傳一人秩二千石漢初立成帝改名太傅

避諱曰

傳

傳即師也避景帝諱故曰傳武帝初置亦謂之師

增以謙自隨

元史云李謙字受益

世宗命傳成宗於藩

獻正心圖

獻徵錄云桂彥良洪武十一年授晉王府

邸所至以謙自隨

右傳上親製誥文以賜之彥良以為輔導之職莫先於格心乃製正心圖以獻晉王

宜進秩於

高位

俾升榮於近傳

俱孫遜授殷彥方王傳等制

擇才以佐諸

邸選士以列東朝

元稹授薛昌朝絳王傳制

兼八座以傳子愛

子亞九卿而立我明庭

薛廷珪授郭保嗣德王傳制

增詩元黃潛送內史府孫知事還京詩曰春風朱邸雪

初消野宿貌貅靜不驕綠水芙蓉分上幕青雲驤褭度

輕輶龍庭會祭包茅貢豹尾宸居佩玉朝下土微臣今
老矣淹留敢望小山招

增制唐薛廷珪授太子賓客王牘等諸王傳制曰敕具
官王牘等朕聞王者之子在襁褓中置二公以教訓之
由古道也今丞相言爾牘等並老於文學雅有德行明
君臣父子之道知禮樂詩書之源可使高步承華入參
望苑琢磨羽翼朕有冀焉或授正卿或加峻級宜旌優
異往傳童蒙

諸王師一

增講孝經 居師道

孔帖云趙洪智入為陳王師講孝經百福殿舉五孝為王誦之 山

堂肆考云唐太宗以王珪為魏王泰師謂泰曰汝事珪當如事我泰見珪輒先拜珪亦以師道自居

原

劉寔以祭酒遷

阮孚以尚書領

晉書云遷為廣陵王師 晉書云阮孚字

遙集為吏部領東郡王師

諸王師二

原晉武初置

晉武初王國有師避景帝諱故曰傅

三百篇諫

漢書曰王式字翁思

為昌邑王師昭帝崩昌邑王嗣位以行淫亂廢昌邑羣臣皆下獄式亦繫獄當死治事使者責問曰師何以亡

諫書式對曰臣以詩三百五篇朝夕授王忠臣孝子之篇為王反覆誦之危亡失道之君未嘗不流涕為王深陳臣以三百五篇諫是以無諫書使者以聞亦得減死論

王楸為燕王師

山公啓事曰王

楸為燕

王琨為武陵師

齊王琨為武陵王師時王儉為宰相屬琨用東海迎吏琨

王師

使謂之曰語郎三臺五省皆是郎用人外方小郡當乞寒賤者官何容復奪之遂不果其事

增為

蜀王師

玉海云蓋文達為蜀王師

劉渙為世子師

獻徵錄云劉渙字文中周藩闕

東書堂延訪耆宿為世子師禮聘就塾每進講必先忠孝禮義俾王遠聲色貨利以無干訓典世子庶子守先王之誨咸知檢飭無驕縱氣

增制梁沈約授王績蔡約王師制曰具官王績華宗冠

胄器質詳和蔡約清源素範體業倫正訓茲藩國僉議
攸在 唐蘇頲授柳沖兼溫王師制曰具官柳沖族茂
汾鼎價珍垂辟雅負通才備聞遺訓探六經之奧如叩
鴻鐘窮百氏之源若披明鏡扶輿切問侍從增榮擁篲
崇儒師資佇德

諸王相一

原閑閣自責

行縣講經

東觀漢記曰吳祐字季英陳留人遷膠東相政惟仁簡以

身率物民有相爭訴者輒閉閣自責或身到閭里重相
和辭自是爭隙省息吏民不欺 後漢刁曜字子榮為

魯相行縣三老執轡學官處士皆
乘牛馬隨後所頓亭傳輒講經

教授不廢 恩威

並行

北堂書鈔曰魯平字叔陵拜趙相為政尚寬惠禮
讓雖居官不廢教授門人常有數百關東號曰五

經復興魯叔陵

謝承後漢書曰刁曜遷
魯相脩德化法教以厲風俗威恩並行也

齊國安集

郡界肅然

史記曰曹參相齊聞膠西有蓋公善治著
黃老言乃厚請之蓋公曰治道貴清淨清

淨民自定參用其術齊國安集
魏志云武帝為濟南
相國有十縣長吏多阿附貴戚盛行狼籍於是奏免其

八禁斷淫祀姦宄
逃竄郡界肅然也

客不忍刺

民不忍欺

蜀志云劉
備領平原

相郡民劉平素輕先主恥為之下使客刺之客不忍刺
語之而去後漢吳祐遷膠東相民有訟先令三老以

孝悌喻解祐身至閭
里和之民不忍欺

民皆樂業

民用溫給

史孫叔
敖為楚

相秋冬勸人入山採木春夏泉水多時而出村民皆樂業後漢書曰張禹遭下邳相徐縣北界有蒲陽陂傍多良田而湮廢莫脩禹為開水門通引灌溉遂成熟田數百頃勸率吏民假與種糧遂大收鄰郡貧者歸之千餘戶室廬相屬其下成市後

增王聞其賢帝望而

歲至墾田千餘頃民用溫給

歎山堂肆考云漢武帝善廣川董仲舒對策以為江都王相仲舒以禮匡正王敬重焉後又相膠西王素聞

其賢亦善待之仲舒兩事驕王皆正身率下所居稱治晉書云阮仲遠平原相時襄邑衛京自南陽太守遷

於河內與仲俱拜帝望而歎曰二千石皆若此朕何憂乎一人入宴十策進王

新唐書云楊琮與秦王同里居武德初隱太子事平詔親王宰相一人入宴而琮獨預太宗賜懷昔賦申以恩

意元史云商挺世祖中統九年封皇子林噶拉木為安西王立王相府以挺為王相挺進十策於王置酒嘉納

賚賜有和

獎諭甚至

又云趙炳安西王相王府冬居京北夏徙六盤山王北伐

六盤守者構亂炳自京北率兵往捕元惡授首王還嘉賞戰功賚賜有加獻徵錄云李質洪武八年為靖江

王府右相有敕獎諭甚至嘗歸省先隴王親揮翰賦詩以賜復命官屬宴錢江潯人以為榮

諸王相二

原以清亮稱

袁忠為沛相乘輦車以清亮稱

以儉化俗

謝承後漢書東郡趙咨為

東海相人遺其雙枯魚噉之二歲不盡以儉化俗

乘驢到郡

晉書曰初文帝輔魏政阮籍常

言於帝曰平生曾遊東平樂其風土帝大悅即拜東平相籍乘驢到郡壞府舍屏障使內外相望法令清簡旬

日而還

捐俸給民

會稽典錄曰駱俊字孝遠靈帝擢拜陳相汝南葛陂盜賊並起陳與接境

四面受敵俊厲吏民為之保障發倉以贖貧民鄰郡士庶咸往歸之身捐俸祿給其衣食民有產子常教主者

厚致米肉生男女

生男名吳

謝承後漢書云吳祐遷膠東相有男子毋丘長

者輒以賂為名

與母俱行市道遇醉客辱其母長遂殺之追捕長祐問長有子乎曰有妻未有子召長妻至獄解桎梏使同宿遂孕至冬行刑長齧指斷含血誓若生男名吳生以報吳君也

生樹遂茂

東觀漢記云韋順轉

東平相賞罰必信有柿樹生廳屋上徙庭中遂茂順至孝行感於天地生也

石慶立石相

社史記曰石慶為齊相舉國皆慕其家行不言而齊國大治為立石相社也

孔融殺部督

郵

九州春秋曰孔融為北海相一朝殺部督郵

趙君時人所貴

後漢書曰趙咨應召

拜東海相之官道經滎陽令燉煌曹嵩咨之故孝廉也迎路謁候咨不為留嵩送至亭水次望塵不及謂主簿

曰趙君名重今過界不見必為天下笑即棄印綬
立追東海謁咨畢辭歸家其為時人所貴若此

畢

諶孝於其親

魏志曰初曹公為兗州以東平畢諶為別駕張邈叛劫諶父母弟妻子公遣之曰卿

老母在彼可去諶頓首無貳心公嘉之為之流涕既出遂亡歸及邈敗生得諶衆為諶懼公曰夫人孝於其親者豈不亦忠於君乎以為魯相

王歆之荅歌

宋劉邕嗣封南康侯河東王歆之嘗為南康相

國素輕邕後俱元會邕性嗜酒謂歆之曰卿昔嘗具臣今不能勸一杯酒乎歆之效孫皓歌荅之曰昔與汝作勸汝酒亦不願汝年

諸王友一

增霍府二賢

淮南二公

山堂肆考云唐郎餘令鄭州人擢進士第授霍王府參軍

從父知年亦為王友元軌曰郎家二賢皆入府
不意培塿而松柏為鄰也 見王侯官屬二

目為

長者 待以客禮

記纂淵海云大中祥符九年以張士
遜崔遵度並充壽春郡王府賓友時

王將受經擇者德有學術者為府官士遜時為河北轉
運使雅素清謹遵度有士行措紳目為長者即召士遜
等並命焉 元史云姚樞字公茂世祖在潛邸名樞至
大喜待以客禮詢及治道乃為書數千言陳之世祖奇
其才動必名問 且使授世子經

茂秦稱先生

孝孺稱正學

列朝詩
集云謝

榛字茂秦眇一目寓居鄴下趙康王賓禮之秦晉諸藩
爭延致河南北皆稱謝榛先生 又云蜀獻王之國初
即聘漢中教授方孝孺為世子傅待以賓師之
禮名其讀書之齋曰正學方正學之稱自此始

更列

曳裾之寵

宜在從車之列

白居易授蕭仲預鄂王友
制 孫邈授王積薪慶王

制友

諸王友二

原會稽王友

晉中興書曰謝尚字仁祖司徒左西屬為會稽王友

南陽王友

山公

啟事曰近啓脩武令劉訥補南陽王友訥才志內外非稱臣以為宜蒙此者是以啓及不審固可用不

除滕王友

北史曰蕭大圜除滕王逌友逌嘗問大圜曰吾聞湘東王作梁史有之乎對曰言之者妄

耳如使有之亦不足怪昔漢明帝為世祖紀章帝為顯宗紀殷鑒不遠足為成例且君子過如日月之蝕彰於四海安得而隱之如有不彰亦安得不隱蓋子為父隱直在其中諱國之惡抑有禮也

以浩為

友

殷浩別傳曰會稽王少著名譽以浩為友

增郝處俊轉滕王友

孔帖云郝處俊

再轉滕王友心為
王府屬棄官去

增制唐白居易授賀蘭忠肅鄭王友制曰具官賀蘭忠肅緒業勲華藝能通敏頃陪賓友已光侍楚之名更復班資載允從梁之望

諸王文學一

增並善辭藻

不取貴游

上見王侯官屬二山堂肆考云齊衡陽王好學善屬文

武帝謂王儉曰衡陽王雖有文學當使華實相稱今選師傳不得止取貴游子弟而已乃以太子舍人蕭敷為

文學 裴矩有智數 褚亮預祕謀 新唐書云裴矩有文藻智數補齊高平王

文學 又云褚亮秦王授王府文學王每征伐亮在軍中常預祕謀有裨輔之益

諸王文學二

原責讓文學

魏志曰中山恭王袞每讀書文學左右常恐以精力為病數諫不止文學防輔相與

言曰受詔察王舉錯有過當奏及有善亦宜以聞遂共表稱陳袞聞大驚責讓文學曰脩身自守常人之行而諸君乃以上聞適增其負累也

臨淄文學

晉書鄭袤傳云魏武帝初封諸子為侯精選賓友袤

與徐幹俱為

吳王文學

晉書云褚裒字季野譙國桓彝見而目之曰季野有皮裏

臨淄文學

陽秋謝安亦雅重之恒云裒雖不言而四時之氣亦備初辟西陽王掾吳王文學

齊王文學

晉諸公贊曰扶風王駿年八歲聰明善詩賦中表奇之魏烈祖即以為齊王芳之文學

表置文

學

齊永明元年竟陵王
子良表置文學官

增李湛六歲授

新唐書李湛
沈厚有度六

歲授周

立道佩銀符

元史云張立道皇子和克齊封
雲南王詔以立道為王府文學

王文學

立道勸王務農以厚民即署立道大
理等處勸農官兼領屯田事佩銀符

增詩元編脩廼賢送劉碧溪之遼陽國王府文學詩曰

松亭嶺上雪霏霏五月行人尚袂衣日暮草根黃鼠出
雨晴沙際白翎飛名王禮幣來青海弟子絃歌近絳帷
太乙終憐劉向苦高車駟馬遲君歸

諸王國郎中令一

原秩千石

乘六傳

續漢書曰皇子封王其郡為國每國置郎中令一人秩千石按郎中

宿衛官也

漢書曰周勃等共誅諸呂

隗禧儒者

迎代王郎中令張武等乘六傳詣長安

顧榮秀望

魏略云隗禧少好學為譙王郎中令王宿聞其儒者常虚心從學禧亦敬恭以授王由是

大得賜遺

晉中興書曰顧榮時在洛者唯陸機陸雲及榮三人機雲雖有才藻不及榮也上以榮南土秀望

補吳王

郎中令

諸王國郎中令二

原令善媿人

漢書曰龔遂字少卿山陽人也以明經為官至昌邑郎中令事王賀賀動作多不正

遂為人忠厚剛毅有大節內諫諍於王外責傳相引經義陳禍福至於涕泣寥寥忘已面刺王過王至掩耳起

走曰郎中令善媿人

吾得其人

沈約宋書曰宋國初建當置郎中令高祖難其人謂傅亮曰今

用郎中令不可減袁曜卿也既而曰吾得其人矣乃以王惠居之

原詩晉潘尼贈吳王郎中令陸士衡詩曰東南之美曩

惟延州顯允陸生於今鮮

一作

儔振鱗南海濯翼洪流

婆娑翰林容與墳丘玉以瑜潤隨以光融乃漸上京羽

儀儲宮玩爾清藻味爾芳風泳之彌廣挹之彌沖崑山

何有有瑤有珉及爾同僚具惟近臣予涉素秋子登青

春媿無老成廁彼日新祁祁大邦惟桑與梓穆穆伊人

南國之紀帝曰爾諧惟王卿士俯俸從命奚恤奚喜
增表晉陸機詣吳王表曰臣本吳人靖居海隅朝廷欲
抽引遠人綏慰遐外故太傅取辟殿下東到淮南發詔
以臣為郎中令

諸王國中尉一

原主盜賊 戒子孫

後漢書百官志注曰中尉職如郡都尉主盜賊 漢書曰王吉為昌

邑中尉以數諫王得減死髡戒子孫毋為王國吏及子駿遷趙內史棄官

王甚憚焉 太

子不悅

邵氏家傳曰邵弘為中尉其為人方嚴不厲而威王甚憚焉 魏志曰魏國既建楊俊遷中尉

太祖征漢中魏諷反於鄴俊自劾詣行在所俊以身方
罪免賤辭太子太子不悅曰楊中尉使去何太高遠也

增當時稍遷

漢高初置

漢書曰鄭當時字莊陳人也稍遷為魯中尉漢書

曰高帝初置
中尉掌武職

分判國司

總統府事

事文類聚云唐置二人正九品

下掌分判國司事宋無其官
從五品掌警嚴侍從檢校門禁

又云元置府尉
總統府中事

原王

子陽賢良

韋玄成禮讓

漢書曰王吉字子陽少好學明經舉賢良為昌邑王中尉

王好游獵驅馳國中動作無節吉數諫

又韋玄成傳

云初宣帝寵姬張婕妤男淮陽憲王好政事通法律上

奇其才有意欲以為嗣然因太子起於細微又早失母

故不忍也久之上欲感風憲王輔以禮讓之臣乃召拜

元成為淮陽中尉

宋昌曰代王仁賢

常麗曰王身恭儉

又

高后崩諸呂謀為亂丞相陳平等共誅之謀立代王中尉宋昌曰大王又長賢聖仁孝聞於天下故大臣因天下之心而欲迎立大王大王勿疑漢常麗為河間獻王中尉王薨常麗以聞曰王身端行治溫仁恭儉

諸王國中尉二

原如郡都尉

漢書百官公卿表云成帝綏和元年以中尉如郡都尉

比二千石

續漢書百官志云皇子封王其郡為國置中尉一人比二千石

以禦非常

後漢百官表云武帝

太初元年改中尉更名執金吾以禦非常

司執姦邪

韋昭辨釋名曰執金吾大中尉掌徵宮外

司執姦邪

公孫初見賜金

漢書曰梁孝王招延四方豪傑齊人公孫詭多奇計初見日王

賜千金官至中尉號曰公孫將軍

郤弘不媿屋漏

郤氏家傳云郤弘字德裕為琅邪王

中尉王嘗候君晝息身隨使者潛至君舍令使者進曰
王有命君徐理髮冠履俯伏盡禮然後讀之王與使者
羣立瞻聽為之歎息曰古人稱不媿於屋漏其惟邵中
尉乎王忻晏言語晝夜無休君乃工書諫王王讀三四
瞿然失色謂左右曰思邵中尉之言使人於今毛豎

徐偃治民廉節

史記曰魯申公弟子

為博士者十餘人孔安國至臨淮太守
徐偃為膠西中尉其治官民皆有廉節

元成講論同

異漢書曰韋元成為淮陽中尉與太守蕭
望之及五經諸儒講論同異於石渠閣

諸王國常侍一

原州舉秀才

狀出郡倅

晉書曰甘卓字季思郡命主簿功曹察孝廉州舉秀才為

吳王常侍陸雲嘲褚季野云前為
臨川丞後為常侍狀出郡倅故嘲焉

諸王國常侍二

原龔舍聘為常侍

漢書龔舍傳云楚王入朝聞舍高名聘為常侍不得已隨王歸國

虞預轉為常侍

晉中興書會稽虞錄云預有學有才轉琅邪王常侍

贊相威儀

獻納臧否

晉起居注云成帝延寧三年大國置左右常侍贊相威儀獻納臧否

諸王國侍郎一

原王鑒文筆

孫秀校才

晉書曰王鑒少以文筆著稱初為元帝琅邪王侍中孫

盛晉陽秋云孫秀為趙王倫侍郎劉弘為琅邪內史廉秀於倫遂為所信弘謂人曰孫秀校才其志難滿

諸王國侍郎二

原通傳教令

晉百官表注云侍郎朝服武冠贊成威儀通傳教令大國置四人小國置二人

趙定鼓瑟

桓譚新論曰宣帝元康神爵之間丞相奏能鼓雅瑟者渤海趙定梁國龍德召見溫室拜

為侍郎

與諸子遊

魏略云司馬宣王為侍郎應令與諸子遊

諸王國典一

增鄧王稱相如

府中號學直

合璧事類云唐盧照鄰調鄧王府典籤王曰此

吾之相如

丘悅文學韋利器更直備顧問府中號曰學直

諸王國典二

原改為治書

職官錄云漢制典書本曰尚書改為治書國諱又改為典書

掌國教

令

晉起居注云晉武置典書令掌國教令

典衛王宮

又云晉武置學官令主貢舉秀異典

衛王宮

詔選典令

又云太康二年齊王攸國相上長史闕典書令請求差選攸下令曰官人

叙才皆朝廷之事非國所宜裁也其令自工請之

增明經高第

新唐書云唐休璟舉明經

高第為吳王府典籤

諸王長史一

原傾郝酬接

治身清肅

晉書曰劉輿為魏郡太守東海王越將召之或曰輿猶臆

也近則汗人及至越疑而御之與密視天下兵簿倉庫牛馬器械水陸之形皆默識之是時軍國多事每會議輿既見越應機辨畫越傾郝酬接即以為左長史齊書曰陸慧曉為晉熙王冠軍長史慧曉歷輔王政治身

清肅僚佐以下造請起送之或謂慧曉曰長史貴重不宜妄自謙屈荅曰我性惡人無禮不容不以禮處人

增隨事匡正

悉為箴銘

獻徵錄云董瑛為趙王府長史恭謹小心隨事匡正

不為苟容

又云劉淳為周藩右長史數有論諫雖游衍燕閒弗忘規諷如中和亭熙春堂蘭雪軒虛白齋悉

為箴銘欲王

知所警惕

趙董極選

梁越交賢

又云趙季通為趙府左長史董

莊簡為右長史兩人同心輔導當時親王輔導之良蓋

趙董為極選云又云宋子環為梁府右長史小心恭

恪王敬禮之改越府右長史凡持已處事如在梁府一府賢之

兼六府事

進四門

箴

又云劉璟谷王年十三將封宣府上謂侍臣曰谷王年少羽翼無人奈何諸大臣奏曰輔幼藩非忠勇敢

直不能閣門使劉璟其人也上領之即日授谷王長史教提調肅遼慶寧燕趙六王府事又云蕭用道為靖

江王府右長史從王之國桂林作
端禮體仁遵義廣智四門箴以進

梁溥介直 周積

溫

又云梁溥為秦府右長史臨事介直自王以下咸
敬信 又云周積為德府長史矢心輔導每進講

色溫氣和
啓沃良多

獻詩寓規

進賦寓諷

又云張景明為興
府左長史袁宗皋

為右長史景明獻為善最樂詩以寓規諷 又云吳稷
為荆府左長史改徽府兩輔親藩引誼歸正進賢王箴
芸窗賦
以寓諷

原越府稱三才

竟陵謂二佐

晉書曰劉興
為東海王越

左長史越既總錄以興為上佐賓客滿筵文案盈几遠
近書記日有數千終日不倦或以夜繼之人人歡暢莫
不悅附命議如流酬對款備時人服其能比之陳遵時
稱越府有三才潘滔大才劉興長才裴遜清才 齊書
曰陸慧曉遷右長史時陳郡謝朓為左長史府公竟陵
王子良謂王融曰我府二上佐求之前世誰可為此融

曰兩賢同時便是未有前例

增轉太子詹事

兼夏官尚書

山堂肆考

云唐太宗轉李勣詹事謂曰我兒新登儲貳卿故長史故有此除雖屈階資可勿怪也

新唐書云姚崇兼相

王府長史以母老納政歸侍月餘復兼夏官尚書同鳳閣鸞臺三品

伯賢白雲臺

殿

卿梁園集

列朝詩集云朱右字伯賢洪武七年授經晉王擢晉王府長史有白雲臺行於世許邦

才字穀卿嘉靖癸卯解元德周二府長史周王崇易序其詩曰梁園集

著翦燈新話

著漢史筆記

又云瞿佑洪武中為周府右長史風情麗逸著翦燈新話及樂府歌辭為時傳誦

又云胡粹中永樂中楚府右長史在王門凡二十年忠心輔導著漢史筆記行於世

構第名安

老堂

懸牌曰攄忠槐

獻徵錄云陳南賓洪武二十二年擢蜀府長史時蜀獻王好學

禮士最號賢王南賓猶隨事規諫王甚敬禮之造安車以賜復為構第名安老堂又云劉淳為周王右長史端禮門夾路槐成夏如蓋偶枯數幹淳歷陳咎徽進戒於王王納其言脩省枯幹復榮王乃書一牌懸於樹曰槐忠

諸王長史二

原汝策帷幄後魏書曰張充上谷沮陽人好學有文才太祖為代王遷為左長史汝策帷幄太祖

遇優厚侍宴升堂吳志云張昭為長史侍宴升堂人之表範崔鴻後趙

錄曰張躍字世淵清河東武城人學敏才達雅善清談石勒俸其議辨拜世子衛軍長史教世子曰張長史人之表範汝硯其醉醒南史曰孔顗字思遠除安陸王其師之子綏後軍長史性使酒每醉輒

欽定四庫全書御定淵鑑類函卷一百一十五五十六

獨日不醒雖醉日居多而曉明政事酉時判決未嘗有壅衆咸曰孔公一月二十九日醉勝他人二十九日醒

孝武每欲引見王府資重梁張綰字孝卿自中軍宣

遣人現其醉醒帝使宣旨曰為國之急惟在執憲繩直用人本不限升

降晉宋代周閔恭廓並以侍中為之卿勿疑是左遷時

宣城王府資增人倫儀表山堂肆考云孔休源為梁

重故有此旨歲兒委卿善匡翼之乃教王曰孔

休源人倫儀表汝當每事師之王畏其直新唐書

紀為韓州刺史徙吳王葛誠實告獻徵錄云葛誠為

長史王畏其直善遇之燕府長史使入奏

事規朝廷所為建文密問燕府事誠具以實告龍鐔

建文乃遣誠還燕使為內應靖難師起殺誠龍鐔

不屈又云龍鐔為晉府長史靖難師起徵兵於晉

言活數萬列朝詩集云管訥華亭人洪武九年徵拜楚

增詩宋蘇軾和贈羊長史詩曰我非皇甫謐門人如摯

虞不特兩鴟酒肯借一車書欲令海外士觀經似鴻都

結髮事文史俯仰六十餘老馬不耐放長鳴思服輿故

我根塵在未免病藥俱念君千里足歷塊猶踟躕好學

真伯業比肩可相如此書久已熟救我今荒蕪欲慙桑

榆迫豈厭詩酒娛奏賦病未能草玄老更疎猶當距楊

欽定四庫全書御定淵鑑類函卷一百一十五五十六

墨稍欲懲荆舒元郭鈺和寄龍長史詩曰扇外風塵

素不干湖光遙送酒船寬錦牋傳草春詞好銀燭燒花

夜枕安四海交遊空老大百年世事半悲歡子真谷口

深相憶黃獨無苗深雪寒虞集訪杜弘道長史不值

詩曰雨浥輕塵道路乾朝回隨處借花看牆東千樹垂

楊柳飛絮時來近馬鞍明泰府長史茅大方端禮樓

進講奉教賦詩次繆紀善韻詩曰百二河山重鎮雄金

城環繞宛如龍南樓勢挿金冥表東井光連紫極中書

演九疇宣帝範詩歌二雅正王風儒臣進講思陳戒敢
學揚雄賦漢宮 何景明荅雷長史詩曰十載寒羶鄭

畫師風流文采更堪思朱門鼓瑟官仍達青殿揮毫出
每遲百里風煙還薄暮孤城雨雪已多時極知歲晚傷
心切起傍官梅自詠詩 又送雷長史詩曰彤管先朝

隨帝子白頭今日奉王孫漢庭亦羨相如美楚客重看
賈傳尊花下圖書開玉殿日高琴瑟在朱門十年亭閣
淮西宴腸斷梁王雪夜尊 李夢陽送王長史入覲詩

曰帝里花應待王筵醴暫違舟從春水上人是錦衣歸
日月瞻新袞風雲壯舊畿辭朝君即返莫賦北山薇

李攀龍苦熱憶許長史詩曰河朔風流避暑年平臺此
日更翩翩客惟枚叔元稱叟主是梁王雅好賢苑近
含嵩少雪雁池遙動廣陵天故人苦熱心同渴安得金
漿共爾傳又許殿卿擢左長史詩曰萬里襜帷遇主
恩長裾一再歷寒溫諸侯賓客梁園盛帝子官僚相國
尊誰為從旁驂駟馬自應虛左過夷門況兼詞賦凌雲

氣漢署風流那可論 沈明臣送周象賢赴襄國長史
詩曰送君芳草路落日且徘徊倚相元官楚襄王故愛
才地當巫峽盡天入漢江迴莫學長沙傅湘纍弔不回
張九一送伯宗高為景府長史詩曰方城紫氣鬱嵯
峨帶礪今看帝子過礪指恒山為泰岳帶環涓水作黃
河朝廷禮數元王異賓客文章宋玉多在昔曳裾應不
賤休從華髮怨蹉跎

增制唐蘇頲授崔子源岐王府長史制曰具官崔子源

地緒清茂風襟亮拔有如繩之直懷匪石之心學不為
人文能飾吏憲曹白簡秋隼曾飛禮闈青縑晨鳧就列
睠於藩邸親則舅甥俾踐端寮宜膺錫命 元稹授薛
昌族等王府長史制曰敕建邦之王府置長史司馬以
紀掾屬之秩序而稽其職業也前寧州刺史薛昌族前
泌州刺史烏重儒等皆勲伐之子孫並良能之牧守朕
河山在念肯忘獎勞藩邸求才實思高選昔阮孚以嘯
詠自樂龐秀有忠烈可嘉更任王宮咸稱國器今之榮

授其在茲乎佇移汝理郡之方以助予維城之固

增碑唐張說邠王府長史陰府君碑曰公諱某字某武威姑臧人也承禮樂之峻冑稟清明之異姿天生粹靈氣含真素尚東郭以自逸與南容之不廢拜命宜城王府記室參軍入為慶王友轉太子中允又拜國子司業邠王府長史或舉德以進或尚閑而退不失其正達識推高

王府諮議一

增曳裾束帶

元稹授王自勵原王府諮議制擢授曳裾之寮白居易重授李晟通事舍人

王府諮議制可使束帶曳裾為吾謁者

蕭用道改官

董文用參議

獻

錄云蕭用道為靖江府直史王敬重之時詔百司復舊制罷直史司為諮議所改為諮議無幾陞諮議所為長史司遂陞右長史元史云董文用以兵部郎中參議都元帥府事時諸王哲伯特穆爾鎮西方其下縱橫需索文用坐幕府輒面折以法其徒譖文用於王王遣其傅訊文用文用因歷指不法者數十事其傅白王王召文用謝之曰郎中持此以事朝廷宜勿急自是省府事頗立

王府諮議二

增官陞王邸

孫逖授郭元融寧王府諮議制

官彼王門

孫逖授李夷吾榮王府諮

議制官
彼王門

增制唐元稹授郭皎冀王府諮議制曰敕郭皎材任爪
牙姻連肺腑領轅門之右廣假桂苑之元寮夙著威名
嘗頒勇爵元戎啓狀慶澤覃恩宜輟豹韜之雄以資雁
沼之畫

增碑唐孫逖滕王府諮議杜公神道碑曰公諱義寬東
都濮陽人也承邁種之遺訓體清醇之上姿童而典學
冠而好古貞觀中拜饒州刺史遷蘇州司馬遷滕王府

詔議其所在也使者升聞其所去也邦人頌德且有兼
官之拜固實大宗之屏宜享三壽以諧百工天難謏斯
不可黷已

王府東西閣祭酒

增任敬臣孝行 蘇世長却賂

玉海云任敬臣以孝行為越王西閣祭酒許王

文學 新唐書云蘇世長為天策府軍諮祭酒引為學士貞觀初使突厥與頡利爭禮不屈却賂遺朝廷壯

之

王府司馬一

增藩寄

憲寮

常袞授李友信蜀王府司馬制久淹海隅尋易藩寄杜牧授康從固翼王府

司馬制曳裾憲寮用示恩寵

趙宗怨望

王晞遨遊

山堂肆考云南宋謝趙宗

為黃門郎出為南郡王中軍司馬人問曰承有朝命定是何府趙宗答曰不知是司馬為是司驢既是驢府正應為司驢有司奏以怨望免又云後魏王晞為常山王司馬在并州雖戎馬填委未嘗以世務為累良辰美景嘯詠遨遊以談讌為事士人謂之方外司馬

位加輔國

兵統南衙

白帖云麗

秀為司馬位加輔國將軍王府司馬與誅二張又從相王統南衙兵備非常

新唐書云袁恕已知相

蘇慎行美名

劉禕之師矩

又云蘇勗字慎行遷魏王泰府司馬博學有美名泰

重之孔帖云劉禕之拜相王府司馬帝謂曰卿家忠孝朕子賴卿師矩冀蓬在麻不扶而直也

王府司馬二

增蘇良嗣諫王

事文類聚云蘇良嗣高宗時為周王府司馬王年少不法良嗣數諫王以法繩

府官不職者甚見尊憚帝異之

潘好禮諫王

新唐書云潘好禮開元初為邠王府長史王為

滑州刺史好禮兼府司馬知州事王御下不能肅有詔好禮檢督王家農日王出獵好禮遮道諫王不許乃卧馬下呼曰今農在田王何得非時暴禾稼以損下人要先踐殺司馬然後聽所為王慙為還

增詩元貢師泰送淮王府蒲司馬西還詩曰重弓滿引

鳴鏑和翻身躍馬渡黃河日高射獵王半醉軍中司馬功最多白狼西來獻天子腰間玉龍鱗甲紫寶書緘奏

動宸京黃封御酒貺邊庭弦蒲汭鞠幾千里芳草萋萋
春似水鳥聲山色不勝情枚生作賦才難比

增制唐蘇頲授田幹之溫王府司馬制曰具官田幹之
聿脩厥德孝稱於百行無玷斯言慎比於三復文儒每
固其業清白用傳其範拜郎仙署已題京兆之名為相
寵藩式贊河間之美

增碑唐李華慶王府司馬徐府君碑曰君諱堅字某東
海邾人也父大理卿有功君直溫秉廉深於德行祖考

之訓叢乎厥躬歷邵王府戶曹後為岐王府司馬轉慶
王府階朝議大夫襲封東莞侯不登期頤不至大官惠
文太子之在岐邸膚敏好學上最器念四時鍾渥澤賓
客多詞人君每引道書滿盈之誠以扶俊德忠也銘曰
三命益恭慶祚猶鍾矧我大理金人門宗扞蔽皇家枝
梧羣兇百族感慕大哉勲庸克生茂德山鎮泉塞卷以
道風舒為士則如何詰人終始藩國

王府侍讀

贊讀同

增元度德業

思廉節義

隋書曰楊汪字元度勤學為周翼王侍讀王甚重之每曰

侍讀德業優深孤之穆生也

唐書曰姚思廉初為代

王侍讀屬義師入京城時府僚駭散惟思廉侍不離其

側義師入殿門思廉謂之曰唐公舉兵本匡王室卿等

不宜無禮於王衆服其言於是布列階下太宗居藩引

為文學及親征徐元朗思廉時在洛陽太宗嘗言及隋

亡之事歎曰姚思廉不懼兵刃以明大節求之古人亦

何以加也因賜物百段遺其書

曰想卿節義之風故有斯贈

著訓十篇

歷侍四

王新唐書云丁公著為直學士充皇太子諸王侍讀因著太子諸王訓十篇合辭事類云徐聃更潞沛豫

周諸王侍讀四王

才如仲宣

職兼詹事

翰苑新書云徐摛高

之門從容經席

祖謂周捨曰我欲求一文學俱長兼有行者令與晉安

王緯游處捨曰臣外弟徐摛形質短小若不勝衣而堪

此選高祖曰必有仲宣之才無問其容貌乃以摛為侍讀
山堂肆考曰宋周必大辭免兼太子詹事奏狀近
歲以來必於近臣中擇嘗
任王府侍讀者就兼是職

王府侍讀二

增無定員

玉海云侍讀無定員

改官名

記纂淵海云徽宗政和七年張大亨奏竊見講

讀之官在天子謂之侍講侍讀而在諸王府者亦有侍講侍讀官號比擬稱謂相素詔諸王府侍讀改為贊讀侍講改為直講
閉影朱門
又云梁陶弘景為諸王侍讀雖在朱門閉影不交外務惟以披閱為

事

承恩兩宮

山堂肆考云唐徐岱充皇太子及舒王侍讀承兩宮恩顧時無與比

王府直講一

侍講同

增師範

賓禮

翰苑新書元和冊太子赦文曰歸登呂元膺宜侍講承華師範磐石可充諸王

太子侍講

又云大觀二年定王嘉王府侍講沈錫奏

真宗皇帝時以張士遜為王友命王荅拜以示賓禮今

講讀輔翼之官職在訓導亦王之

孫奭賜紫大猷

友傳也可如王友例令王荅拜

賜札

彙苑云至道二年以孫奭為諸王府侍講賜紫衣山堂肆考云宋張大猷在王邸讀資治通鑑壽

皇嘉納暇日

勸講親賢因事書冊

翰苑新書李洪水制云勸講親

賜札和詩

賢之地又云李浩兼恭王府直講在王府因事以及

時政書之於冊上或見之王亦愛重公他日補外屢年

乃歸王忻然曰

為潛邸說書命皇子從學

元史云陳顥為

李直講來矣

仁宗潛邸說書仁宗居懷慶顥從行日開陳以古聖賢

居艱貞之道又云實默世祖命皇子真金從默學賜

以玉帶鉤諭之曰此金內府故物汝老人佩服為宜且使我子見之如見我也

王府直講二

增高選經佐

睦彼藩邸高選經佐出除姚元之制

常參官充

翰苑新書云太平興

國四年別置侍講以常參官充

校正九經

又云孫奭為諸王府直講校正九經正義

展

閱五經

山堂肆考云唐蕭德言展閱五經必盥濯束帶危坐對之高宗為晉王時詔德言講經授業及

升東宮仍

說宗朱熹

又云彭龜年為嘉王府直講因講魯莊公不能制其母曰母不

兼侍讀

能制當制其侍御之人王問此誰之說對曰朱熹也自後每講必問熹說何如

王府翊善

紀善附

增置一人

為兼官

翰苑新書云太平興國四年置翊善一人又云孝宗初就傳范元

長以待制兼資善堂翊善自是率以從官為之其後親王府不復除第以朝士兼贊讀直講而已

諫

假山

進渾儀

又云姚坦為益王府翊善王嘗作假山名僚屬置酒觀之坦獨俛首不觀曰但

見血山安得假山王驚問對曰坦在田舍時見州縣督稅捕人鞭笞血流滿身此假山皆民租賦所出非血山而何太宗亦為假山未成有以坦言告於工者上曰傷民如此何以山為亟命毀之山堂肆考云黃裳為嘉王翊善因王誕日乃作渾天儀以獻更為歌詩以勉王進學如天而不息也

充以度支

輟為諫官

又云治平三年以尚書度支郎中王稷臣直集賢院充穎王府翊善又云邵亢英宗諭

穎王曰以翊善端直樸厚輟為諫官矣王出道帝語遂以制誥知諫院

申翊宗藩 竭

誠親邸

又云胡文恭行王渙制云申翊宗藩魯惠訓之不倦又云胡文恭行向士安制云竭誠親邸

召對羣玉殿

侍宴太清樓

山堂肆考云邸亢為穎王府翊善召對羣玉殿

英宗訪以世務稱之曰學士真國器又云宗治平中宗室四千餘人親王置翊善侍講記室餘則宮院都講教授歲時有嘉慶事則侍宴崇政殿或太清樓

黃裳宗朱熹

趙鼎薦范冲

又云宗黃裳字勉仲為嘉王府翊善光宗諭之曰嘉王進學皆卿之功裳謝曰若欲追宗古先哲王當尋天下第一等人乃可帝問為誰裳以朱熹對又云趙鼎請以行宮新作書院為資善堂命建國公瑗惠讀且薦徽猷閣待制范冲兼太子翊善

增制明李夢陽戲贈周紀善詩曰廣文先生何為者十

欲出門九借馬只今徒步襄水濱衰鬢漠漠常風塵鳳
凰在笄雞啄食首宿闌干半青黑君不見楚筵醴罷暮
歸來甌塵妻子無顏色 王翰送成紀善省親關中詩
曰端門賜告得馳歸雪霽河溝淨不泥寒度雁聲天遠
近早行林影月高低河源出塞金繩直嶽色連雲翠蓋
齊戲綵高堂稱壽畢歸期先報薊門西

王府記室參軍一

諸參軍附

增掌書檄

委文翰

新唐書云唐皎武德初為秦王府記室從王征討掌書檄又云韋

承慶補雍王參軍
府中文翰悉委之

斥巧言

對行優

合辟事類云竇
俱為晉府記室

賈琰為判官每諸王宗室宴集琰必怡聲下氣褒贊捷
給解叱之曰賈氏子何巧言令色之甚獨不媿於心耶

又云畢士安兼冀王府記室參軍端拱中詔王府官
各上所為文帝問近臣曰文吾既知之其行孰優皆以
士安對帝喜曰是

人物志

王佐才

新唐書云李守
素署天策府倉

也以本官知制誥
曹參軍通氏姓學世號肉譜虞世南曰昔任彥昇通經
時稱五經笥今以倉曹為人物志可乎孔帖云杜如

晦秦王引為府兵曹參軍時府屬多外遷王患之房喬
曰如晦王佐才也大王欲經營四方舍如晦無共功者

王驚曰非公
言我幾失之

專掌文疏

式瞻儀刑

海王越以孫惠

為記室參軍專掌文疏每造書檄或驛馬催之應命立
成晉中興書曰王承少而冲澹太尉王衍推重之東

海王越以為記室參軍救子玘曰閑習儀度不如式瞻
儀刑諷味遺言不如親承音旨王參軍人倫之表汝其
師之
出入十年 經營四方

孔帖云房喬太宗以燉煌公徇渭北謁轅門署渭北

道行軍記室參軍公為秦王授府記室征伐未嘗不從
衆爭取珍怪喬獨收人物致幕府王嘗曰漢光武得鄧
禹門下益親今我見喬猶禹也居府出入十年軍
符府檄駐馬即辦

下見前杜如晦王佐才事

以

史館為

自奉常司

翰苑新書云大中祥符五年以直史館晏殊為昇王府記室參軍

又云曲阜行辛雍制云維朕叔父為時賢王宜得良士
使從而游以爾樸茂靜重有規矩輟自奉常往司管記

謹恪有守

自處澹如

又云太宗以王龜從等為陳王韓王冀王府記室參軍諭

龜從等曰諸子生深宮未知世務必資良士贊導為善
使日聞忠孝之道卿等謹恪有守故茲謹選各宜勉之

又云鄭雍元豐中為皇弟嘉王府記室參軍
在王府幾十年不遷而自處澹如土論歸重

論天

下事

作富貴箴

合辟事類云神宗初就外傳以韓維
為王府記室神宗嘗與維論天下事

語及功名維曰聖人功名因事始見不可有功名心神
宗拱手稱善又云孫覺遷昌王府記室參軍王禮之

問終身之戒覺為陳
諸侯之孝作富貴箴

賦詩賜銀鍾

上書賜黃金

又云

杜淹秦王引為天策府兵曹參軍文學館學士嘗侍宴
賦詩尤工賜銀鍾又云薛收授天策府記室參軍嘗

上書諫王畋獵王荅曰覽卿所陳知成我者
卿也明珠兼乘未若一言今賜黃金四十鎰

豈可游

外府 屈以重吾府

棠苑云王勵仕梁為河東王功曹
王出鎮勵將隨之藩張瓚時典選

曰王生才地豈可游外府乎奏為太子洗馬孔帖云
韋思謙沛王府長史皇甫公義引為倉曹參軍謂曰公

非池中物屈公為數旬客以重吾府

蘇瓌擢參軍 世南轉記室

玉海云蘇

瓌擢豫王府錄事參軍為建安王法曹參軍至德

新唐書云虞世南陳文帝召初除西陽王友秦王滅建德

引為府參軍轉記室

陳拜起進趨之節 有直諒多聞之益

翰苑

新書云神宗封淮陽王穎王韓維皆為記室參軍王每事咨訪維悉心以對至拜起進退趨揖之容皆陳其節

又云初寮除李彌大制云朕以賢王將就外傳推茲寮屬歷選在廷庶幾朝夕正士之親先有直諒多聞之

益擢參王府

蓋莫汝宜

王府記室參軍二

增衡陽王記室

沈約宋書曰孔顓署衡陽王義季記室奉牋固辭曰記室之局實惟華要自非

文行秀敏莫敢居之顓學不崇實性又疎惰何
可以屬知祕記東筆文闡假吹之尤方斯匪濫

邵陵

王記室

太平御覽三國典略曰顏晃字克明琅邪臨沂人也少孤貧有詞采解褐梁邵陵王綸兼記室

參軍時東宮學士庾信常使於府王使晃接對信輕其
尚少曰此府兼記室幾人晃荅曰猶少於宮中學士

博陵王記室

隋書曰魏澹專精好學善屬文齊博陵王濟聞其名引為記室

以楊

礪為諭德

山堂肆考云宋楊礪字汝礪真宗為襄王時以礪為記室王甚重之及建東宮以為太子

右諭德真宗即位
名為翰林學士

擢陳薦為諭德

又陳薦字彥升神宗為穎王時薦為

王府記室參軍及
升儲擢為諭德

講說帳中常見許重

元史云董文用世祖在潛

藩命文用主文書講
說帳中常見許重

軍旅文檄悉出其手

又云張礪
廉希憲薦

於世祖潛邸從伐宋凡徵
祭軍旅文檄悉出其手

王府大小學教授

增南宮

北宅

翰苑新書云太宗至道元年以員外郎孫蟪充皇姓皇孫教授時中書言今皇

姓皇孫是環衛之職以教授為名從之真宗咸平元年以朱昂兼南宅教授張蔚兼北宅教授嘉祐以來置諸宮教授立講書課試規罰之法朝野雜記云咸平初命諸王府官分兼南北宅教授南宮者太祖太宗諸王之子孫處之所謂睦親宅也北宮者魏悼王子孫處之所謂廣親宅也

三省各選

六

箴分賜

山堂肆考云宋元祐中詔諸宮學教授員闕選所舉學官及可為師表可備講讀者補之不足

則三省各選京朝官有出身年四十以上者充之翰苑新書云吳充兼吳王宮教授以嚴見憚英宗在藩邸

心重之為宗室六歲以獻一曰視二曰聽三曰好四曰學五曰進德六曰崇儉仁宗命分寫徧賜皇族英宗書之座以經義啓迪又云劉章紹興中右屏以經義啓迪

陳聖賢出處

兼普安恩平兩王

府教授事王邸閱數歲以經義史學啓迪掖導受知孝宗自此始又云周孟陽嘉祐中為澤王潤王宮教授英宗辭命皆孟陽為之贊導勤至陳聖賢出處之方古今禍福之變以為箴規英宗起拜曰往時教授止於文章筆所爾今長者

選履行端慤

舉士行樸厚

又云仁宗

嘗曰諸宮院教授非止講習經旨亦須選履行端慤者於是以前張維翰充又云治平四年詔諸宮院教授須舉士行樸厚確有

真天子門生

與講官賓主

彙苑云紹

興二十五年以趙逵兼普安恩平王府教授逵時為禮部郎及引對上曰卿乃朕自擢秦檜日薦士曾無一言

及卿以此知卿不附權貴真天子門生也 又云吳申
為睦親宅都講初宗室坐序爵仍自為賓主講官位主
席之東隅申不肯坐且曰宗室當以親族尊卑為序與
講官分賓主再移書大宗正宗正不能沒因內朝出二
書英宗是之宗室
正講席自申始

王府掾

增三命 百石

太平御覽云漢書府掾比古之元士皆
三命也 又云漢舊注曰或曰漢初掾

史辟皆上言故有秩皆比命士其所不言
則為百石屬其後皆自辟故通為百石云

數諫東平

有稱京師


東觀漢記曰吳良東平王蒼辟為西曹掾
數諫正蒼多善策蒼上表薦良明帝拜為

議郎 晉中興書曰荀闡字道明有稱京師為
之語曰洛中英荀道明大司馬薨王辟以為掾

王府官屬雜附

增山堂肆考曰漢王駿吉子也遷趙王內史不願為王
府屬即棄官去 新唐書曰于志寧識褚亮於囚中遷
天策府中郎文學館學士引亮與同列 玉海曰沛王
召王勃為府修撰論次平臺祕略 山堂肆考曰唐韋
湊入為相王府屬時姚崇兼府長史曰韋子識遠文優
吾恨晚得之 元史曰陳佑博通經史時諸王得自辟
官屬穆王府署佑為府尚書賜其父母銀十錠錦衣一

襲王分土陝洛表為河南府總管 列朝詩集曰桂衡
洪武中授谷府奉祠刻意於詩日課不輟 又曰寧獻
王弘獎風流海寧胡奎以儒雅名請為世子師傅者七
年告老而歸為輯其詩文序而傳之



欽定四庫全書

欽定淵鑑類函
卷一百

御定淵鑑類函卷一百

欽定四庫全書

子部

御定淵鑑類函卷一百一

詳校官宗人府丞寶光鼎

主事臣祁韻士覆勘

總校官檢討臣何思鈞

校對官中書臣胡紹基

謄錄監生臣王元點

欽定四庫全書

御定淵鑑類函卷一百一

設官部四十一

將軍總裁
驍騎將軍

大將軍 官屬并附
車騎將軍

將軍總裁一

原杜氏通典曰三代之制天子六軍其將皆命卿

一萬二千

五百人
為軍

故夏書曰大戰于甘乃召六卿蓋古之天子寄

軍政於六卿居則以田警則以戰所謂入使理之出使
長之之義其職在國則以比長閭胥族師黨正州長鄉

大夫為稱其在軍則以卒伍司馬將軍為號所以異軍

國之名諸侯之制大國三軍次國二軍小國一軍其將

亦命卿也晉獻公初作二軍公將上軍則將軍之名起

於此也魏獻子衛文子並居將軍之號

左傳曰晉閻沒女寬謂魏獻子

曰豈將軍食之而有不足注曰獻子為中軍率故謂之將軍又禮記曰將軍文子之喪既除而後越人來弔

又家語曰衛將軍文子問於子貢是也文子為衛之將軍名彌牟也

自戰國置大將軍

周末又置前後左右將軍至秦將軍之名多矣漢興置

大將軍驃騎將軍位次丞相車騎將軍衛將軍左右前

後將軍皆金印紫綬位次上卿

後漢志曰漢將軍比公者四謂大將軍驃騎車

騎衛將軍

掌京師兵衛四夷屯警孝武征閩越東甌又有伏

波樓船及伐朝鮮大宛復置橫海度遼二師宣帝增以

蒲類破羌權時之制若此非一亦不常設光武中興諸

將軍皆稱大及天下已定武官悉省

後漢志曰其前後雜號將軍皆主征

伐事訖皆罷

四征興於漢代四安起於魏初四鎮通於桑遠

鎮東西南並後漢末有之鎮北魏置

四平止於喪亂

魏置

晉武帝重兵官故

軍校多選朝廷清重之士居之置中軍將軍以統宿衛

七軍及五王作難東海王越以頃興事皆由殿省乃奏宿衛有侯爵者皆罷之時殿中武官並封侯由是出者略盡皆涕泣而去乃以東海國官領左右衛以國兵宿衛晉宋以來以領軍護軍左右二衛驍騎游擊將軍謂

之六軍

宋輿服志曰驃騎車騎衛將軍及諸將軍加大者皆金章紫綬武冠佩水蒼玉諸軍司馬銀章

青綬朝服武冠

其四安四平左右前後征鹵等將軍及四中郎

將晉代荀羨王胡之並居此官宋齊以來唯處諸王素

族無爲者齊以二衛

左右

四軍

前後左右將軍謂之四軍

五校

即漢之五校

驍騎游擊積射彊弩殿中員外殿中武衛七將軍殿中

司馬左右及虎賁之中郎將冗從僕射

宋志曰冗從僕射漢東京有中

黃門冗從僕射非其職也魏代因其名而置冗從僕射職官要錄曰本期門之職漢桓帝時置冗從僕射掌諸

散從其射事則主帥之

羽林監武騎常侍謂之西省而散騎為東

省梁武帝以將軍之名高下并雜命更加釐定於是有

司奏置一百二十五號將軍以鎮衛驃騎車騎為二十

四班

內外通用

四征四中為二十三班

四中謂軍衛撫權

八鎮為二

十二班

東西南北左右前後

八安為二十一班

東西南北左右前後

四平四

翊為二十班

四平東西南北
翊左右前後

凡三十六號為重號將軍

又有五德將軍

忠勇軍師武臣爪牙龍騎雲麾鎮兵翊
師宣惠果毅智威仁威勇威信威嚴威

智武仁武勇武信武
嚴武謂五德將軍

以班多者為貴凡十品二十四班

品十取其盈數班二十四以法氣序制簿悉以大號居

後以為選法自小遷大也前史所記以位得從公故將

軍之名次於台槐之下至是備其班品序於百官之外

凡一百二十五將軍後魏將軍之名多矣謂驃騎車騎

衛為三將軍末年有八柱國大將軍其中六人各督二

大將軍

事詳柱國將軍篇

凡十二大將軍

元贊元育元廓侯莫陳順宇文遵達奚武

李遠豆盧寧宇文貴賀蘭祥楊忠王雄此十二大將軍

又各分統開府一人一開

府領一軍兵是為二十四軍分掌禁旅當爪牙禦侮之

寄自大統十六年以後功臣位至柱國及大將軍者衆

矣咸是散秩無復統御

後周武帝三年改諸軍軍士並為侍官

隋煬帝以

左右衛

隋初舊名

左右屯衛

改左右領軍為之

左右禦衛

新加

左右

候衛

改左右武候為之

凡十二衛各置大將軍一人將軍二人

以總府事

每衛各置長史錄事參軍司倉兵騎鎧等參軍員軍人總名衛士

蓋魏周十

二大將軍之遺制唐武德初秦王既平王世充及竇建

德高祖以秦王功殊今古自昔位號不足以爲稱乃特

置天策上將軍以拜焉位在王公上及升儲宮遂廢天

策府二年七月高祖以天下未定事資武力將舉關中

之衆以臨四方乃置十二軍分關中諸府以隸焉

以萬年道

爲參旗軍長安道爲鼓旗軍富平道爲元武軍醴泉道
爲丹鉞軍同州道爲羽林軍華州道爲騎官軍寧州道
爲折威軍岐州道爲平道軍幽州道爲招搖軍麟州
道爲苑遊軍涇州道爲天統軍宜州道爲天節軍

每

軍將一人副一人取威名素重者爲之

楊恭仁劉宏基
長孫順德等並

為其將

督耕戰之備自是士馬彊勁無敵於天下五年省

七年以突厥寇掠復置十二軍後又省之其後定制有

左右衛

隋之翊衛

左右驍左右武左右威

左右威隋之屯衛

左右領

軍左右金吾

金吾隋之武候衛

左右監門左右千牛凡十六衛

大將軍各一人

左右衛及左右金吾總謂之四衛其餘謂之雜衛

將軍總三十

人

左右千牛衛將軍各一人餘騎各二人

左右羽林左右龍武左右神武

六軍大將軍各一人將軍各三人皆有衛署

開元十二年張說奏

於三輔揀五尺八兵十二萬人謂之彊騎置於南衙每月分番自此以後遂不復簡點

其餘驃騎

輔國鎮軍冠軍四大將軍雲麾勇武壯武宣威明威定
遠寧遠游騎游擊等九將軍並為五品以上武散官先
天二年正月十日敕往者衛士計戶取充使二十一入
幕六十出軍既憚劬勞咸欲避匿今改取二十五以上
充十五年即放出頻經征鎮者十年放出自今以後羽
林飛騎先於衛士中簡擇開元十一年二月敕同華兩
州精兵所出地資輦轂不合外支自今以後更不得取
同華兩州兵防 增文獻通考曰開元六年始詔折衝

府兵每六歲一簡自高宗武后時天下久不用兵府兵之法寢壞番役更代多不以時衛士稍稍亡匿至是益耗散宿衛不能給宰相張說乃請一切募士宿衛十一年取京兆蒲同岐華府兵及白丁而益以潞州長從兵共二十萬號長從宿衛歲一番命左丞蕭嵩與州刺史共選之明年更號曰彍騎肅宗以後有左右神策軍各置大將軍一人統軍各二人將軍各四人後唐長興三年敕衛軍神威雄威及魏府廣捷以下指揮宜改為左

右羽林置四十指揮每十指揮立為一軍每一軍置都指揮使一人兼分為左右相應順元年改左右羽林四十指揮為嚴衛左右軍龍武神武四十指揮為捧聖左右軍清泰元年改捧聖馬軍為彰聖左右軍嚴衛步軍為寧衛左右軍宋朝承前代之制有左右金吾衛左右衛上將軍左右驍衛屯衛領軍衛監門衛千牛衛上將軍諸衛大將軍諸衛將軍並為環衛官無定員皆命宗室為之亦為武臣之贈典大將軍以下又為武臣責降

散官政和中改禁旅則有殿前司都副指揮使侍衛步

軍馬軍都副指揮總之至孝宗時始令節度使領左右

金吾衛上將軍承宣使領左右衛上將軍在內則兼帶

在外則不帶 續文獻通考曰遼南面各衛有大將軍

又有上將軍次有將軍之職下有折衝都尉果毅都尉

二職北面大將軍府統所治軍之政令官曰大將軍曰

上將軍曰將軍曰小將軍外有大詳衮司與大將軍府

並官曰大詳衮曰都監曰將軍曰小將軍曰軍校曰隊

帥所屬有護軍司官曰護軍司徒有衛軍司官曰衛軍

司徒有諸路兵馬統署司官曰諸路兵馬都統署曰諸

路兵馬副統署

屬大將
軍府下

有東都省分掌兵馬之政官曰

東都省太師有西都省分掌軍馬之政官曰西都省太

師

屬大詳
穩司下

金諸衛有上將軍正三品大將軍從三品

次將軍正四品章宗泰和六年伐宋權設平南撫軍上

將軍正三品平南冠軍大將軍從三品次平南龍驤將

軍平南虎威將軍平南盪江將軍殄寇中郎將殄寇郎

將殄寇折衝都尉殄寇果毅都尉凡九階軍還罷元

不設明設挂印將軍稱鎮守者雲南曰征南將軍兩

廣曰征蠻將軍湖廣曰平蠻將軍遼東曰征鹵前將軍

宣府曰鎮朔將軍大同曰征西前將軍延綏曰鎮西將

軍寧夏曰征西將軍甘肅曰平羌將軍薊州淮安鎮守

漕運總兵以畿內故不得挂印稱將軍有大征討遣總

兵則挂平賊將軍平邊將軍平鹵將軍征夷將軍征鹵

將軍討賊將軍或大將軍或前將軍副將軍印行事事

已納印 王世貞史料曰按洪武中命大將軍儀大將

軍拜前諸將拜後先授節次授鉞訖出勒所部建牙鳴

鼓角正行列擎節鉞鼓吹前導百官以次送出其盛如

此今將軍有敕有銀印而無節鉞非將軍而總兵者有

敕有關防而無銀印又曰將軍挂印者事權甚重可以

生殺人而大將軍為尤重洪武元年以徐中山為征鹵

大將軍至十七年卒雖以常開平李岐陽之才且重然

不過副將軍而其他有征南征北征西征戎之重寄亦

不過將軍而已傳潁公之平雲南鎮北邊張英公之三
下交趾統衆多者至八十萬少亦三十萬然皆不得挂
大將軍印也

將軍總載二

增丈人

長子

易經曰師貞丈人吉无咎
又曰長子帥師以中行也

文武

顯

允

詩經曰文武吉甫萬邦為憲
又曰顯允方叔征伐玁狁

鷹揚

虎臣

詩經曰
維師尚

父時維鷹揚

又曰

元老

干城

又曰方叔元老克
壯其猷又曰趙

矯矯虎臣在泮獻猷

趙武夫公

拊髀

推轂

漢書馮唐傳文帝拊髀曰吾
獨不得庶頗李牧為將豈憂

侯干城

匈奴哉 又曰古王者之遣將跪而推轂
曰閫以內寡人制之閫以外將軍制之

鐵虎水

龍

合辟事類曰蔡祐與齊戰被光明甲所向無敵齊人謂之鐵虎 晉書曰但畏水中龍指王濬也

齋斧

授鉞

魏志曰凡將出必齋戒之廟授斧故云齋斧 合辟事類曰唐德宗巡狩山南渾瑊

以諸軍衛入谷口帝臨軒授鉞用拜韓信故事

十策

三箭

又曰唐李靖屢授開府獻十策

以圖蕭銑 通鑑曰唐薛仁貴高宗時九姓衆十餘萬令驍騎數十乘挑戰仁貴發三矢輒殺三人鹵氣懾皆

降軍中歌曰將軍三箭定

斗魁

天目

史記曰斗魁戴匡六星曰

天山壯士長歌入漢關

文昌宮一曰上將二曰次將 合辟事類曰將為天目國命所寄

囊沙

背水

史記韓

信與龍且夾濰水而陣信夜令人為萬餘囊盛沙以壅水上流引軍半渡擊且佯不勝敗走且果喜追渡水信

使洩壅水大至且軍大半不得渡急擊殺且又曰韓信擊趙使萬人先行出背水陣及破趙諸校皆賀因問曰兵法後背山陵前阻水澤今背水陣竟以勝此何術也信曰兵法不曰陷之死地而後生投之亡地而後存乎

杜彪 韋虎

合璧事類曰梁西荊州刺史杜山從脅力過人便馬善射所被霞明朱弓

四石餘力每出挑戰魏軍憚之號為杜彪梁書曰魏遣齊王蕭寶夤中山王元英圍梁鍾離梁武帝遣弟臨

川王宏督兵禦之宏懼停車不前魏人遺以巾幘且歌之曰不畏蕭娘與呂姥但畏合肥有韋虎蕭娘即宏呂

姥呂僧珍韋

萬人敵

一身膽

史記曰項籍學萬人敵蜀志曰趙子龍

虎韋叡也

將數十騎值曹操軍大出子龍遂前突其陣且鬪且却魏兵追至營子龍大開門魏疑有伏兵引去子龍以勁弩射魏兵魏兵驚駭自相蹂踐墮水死者甚多先主明旦至其營視昨戰所曰子龍一身都是膽也

半

段槍 四將印

明皇實錄曰唐哥舒翰為河西衙前將吐蕃大寇邊翰持半段槍當其鋒擊之

職林曰王忠嗣有武畧

原將兵扞燕 興師攻翟

史記曰齊景公召穰苴與語兵事大悅之以為將軍將兵扞燕晉之師說苑曰田單興師十萬將兵攻翟往見魯仲連仲連曰子之攻翟必不能下矣田將軍曰單以五里之城十里之郭復齊之國何為攻翟翟不能下也去上車不與言波

增割髮置地 舉手指天

魏志曰太祖出軍令無敗人田

麥犯者死騎皆下馬持麥而行太祖馬乃騰入甲中敕主爵議罰對曰春秋罰不加尊太祖曰作法自犯何以率眾然孤為軍帥不可殺請自刑乃拔劍割髮置地通鑑曰晉安帝時劉裕抗表伐南燕過大岷燕兵不出舉手指天喜形於色左右曰公未見敵而先喜何也裕曰兵已過險士有必死之志餘糧棲畝人無匱乏之憂

鹵已入我掌中矣

減竈增竈

拔幟立幟

合辟事類曰孫臏減竈虞詡增竈

又曰韓信拔趙幟立漢幟

提鼓援枹

秉鉞抗旌

國語范蠡應使者曰左提鼓右

援枹終軍傳曰大將軍秉鉞抗旌

馬箠下城

枕席過師

張耳傳曰杖馬箠下

數城趙充國傳曰信威千里從枕席之上過師

戰勝攻取

雅歌投壺

漢書

漢高帝曰連百萬之衆戰必勝攻必取吾不如韓信漢記曰祭遵為將軍取士皆用儒術對酒設樂必雅歌

投壺燕頷虎頭

虬鬚猿臂

合辟事類曰班超燕頷虎頭又曰郭知運虬鬚猿

臂七縱七擒

八遇八克

柳氏家傳錄曰蜀諸葛亮因八陣以施武經七擒以

即戎合辟事類曰唐婁師德武后時猛士討吐蕃戴紅抹額來應詔後共鹵戰八遇八克

降騎

十萬破賊五千

唐書曰永泰元年僕固懷恩結吐蕃回紇合圍涇陽郭子儀以數騎出降

陰山十萬騎

又曰馬璘以百騎破賊五千

說禮敦

李光弼曰吾未見以少擊衆如馬璘者矣

詩受成釋奠

左傳曰楚子圍宋晉文公蒐于被廬作三軍謀元帥趙衰曰郤穀可臣亟聞其

言矣說禮樂而敦詩書乃使穀將中軍魯頌曰在泮獻囚注古者出兵受成於學及其反也釋奠於學

三鼓克齊

三駕屈楚

左傳曰莊公三年齊師伐我公將戰曹劌請從戰于長勺公將

鼓之劌曰未可齊人三鼓劌曰可矣齊師敗績又曰晉悼公歸國請以息民魏絳請施舍輸積聚以貸行之

期年國乃有節三駕而楚不能與爭注云三駕三次興師也

亞夫堅壁度尚焚

營

史記曰漢景帝拜亞夫為太尉將兵擊吳楚亞夫言於上曰楚兵剽輕難與爭鋒願以梁地委之絕其糧

道乃可制也。上許之。於是會兵滎陽。吳攻梁。急請救。亞夫引兵走昌邑。堅壁以守。吳兵數挑戰。終不出。乃引去。亞夫出精兵追擊大破之。山堂肆考曰：東漢荊州刺史度尚擊桂陽賊卜陽等破其三屯。多獲珍寶。士卒驕富。莫有鬪志。尚乃宣言：兵少須諸郡所發。悉至。乃并力攻之。申令軍中悉聽射獵。兵喜皆出。尚乃密使人焚其營。獵者還莫不涕泣。尚慰勞之曰：陽等財寶足富數世。諸軍但不并力耳。今所亡少。何足介意。衆破平之。

徒讀父書

常效父法

史記曰：秦王齕伐韓。攻上黨。民走趙。趙軍數不勝。廉頗堅壁不

出。應侯使人反間曰：秦之所畏，獨馬服君之子趙括。為將耳。趙王遂以括代頗。藺相如曰：王以名使括。括徒能讀父書，傳不知合變也。王不聽。山堂肆考曰：南齊斛律光弟羨為幽州刺史，善治兵。突厥畏之，謂之南可汗。性節儉，不好聲色，不貪權勢。至於行兵，常效其父金之法。

解鞍誘敵

駐節勞民

史記曰漢李廣為上郡守嘗從百騎出卒遇匈奴數千騎廣令諸騎曰前未到匈奴陣二里所止令皆下馬解鞍士皆縱馬卧會暮匈奴終怪之不敢攻擊是夜即引兵而去漢書曰鄧禹師行有紀三輔百姓皆望風相攜負以迎軍降者日以千數禹所止輒停車駐節以勞來之父老童穉滿其車下

據鞍顧盼

坐惟講誦

通鑑曰東漢馬援年六十二請擊武陵五溪蠻光武慰其老援曰臣尚能披甲上馬

帝令試之據鞍顧盼以示可用帝笑曰矍鑠哉是翁也山堂肆考曰東漢張奐為北中郎將匈奴烏桓燒軍門屯赤炕煙火相望兵衆大恐奐安坐帷中與弟子講誦自若軍士稍安

不如豎儒無

踰老臣

史記蒯通說韓信曰酈生一士掉三寸之舌下齊七十餘城將軍以數萬衆歲餘乃下趙五十

城為將數歲反不如一豎儒之功乎漢書曰宣帝時先零羌楊玉叛帝欲命將擊之趙充國年七十餘上老

之使丙吉問充國誰可將者對曰無踰老臣

立柱而還

仆碑而進

漢書曰光

武時交趾女子徵側徵貳反詔伏波將軍馬援討之至浪泊與二徵戰大破追斬之交趾平援立銅柱為漢界

而還隋書曰史萬歲以功加上開府時南寧彝蠻覲

反詔萬歲討之入自蜻蜒川行數百里見諸葛亮紀功

碑銘其背曰萬歲之後有勝我者過此由是仆

碑而進破其部三十萬勒石誦美隋德而還

龔地

知兵指節示將

齊書曰斛律金為淮朔將軍主行兵用匈奴法望塵知馬步多少輿地知

兵之遠近梁書曰豫州刺史韋叡攻魏小岷未拔出行圍柵魏出數百人陳於門外叡欲擊之諸將遲疑叡

指其節曰朝廷授此非以為飾韋叡法不可犯也遂進擊之魏兵敗走因急攻之中宿而拔

費禕

可人吳進好漢

通鑑曰魏曹爽寇漢中後主遣禕救之將行光祿大夫來敏詣別求共圍

綦時羽檄交至人馬擐甲嚴駕已訖禕與對戲了無倦色敏曰向聊試君耳君信可人必能辦賊山堂肆考曰宋楊沂中統制官吳進將所部二千人還臨安進勇於戰鬪嘗對御騎上曰好漢進聞之刺好漢吳進字作背心每閱兵則披以示衆

一軍皆驚 萬衆莫抗

史記漢蕭何曰諸將易得耳如

韓信國士無雙王必欲爭天下非信無可計事者請王設壇具禮拜之諸將皆喜人人自以為得大將至拜乃信也一軍皆驚晉書曰桓石虔小字鎮惡從桓溫入關車騎冲為苻健所圍垂沒石虔躍馬赴之拔冲於數萬衆之中而還莫有抗者三軍莫不歎服

燒舸敗魏 融鎖降吳

三國志曰曹操

伐吳孫權遣周瑜程普等與劉備并力逆操於赤壁瑜部將黃蓋曰操軍方連船艦首尾相接可燒而走也乃取蒙衝鬪艦十艘載燥荻枯柴灌油其中先以書遺操詐云欲降時東南風急蓋以十艦最著前去北軍二里

餘諸船同時發火烈火烈風猛船往如箭燒盡北船延及岸上營落人馬燒溺死者甚衆操軍遂敗走晉書曰

武帝伐吳吳於江磧要害處並以鐵鎖橫截之又作鐵錐長丈餘暗置江中逆拒舟艦龍驤將軍王濬作大筏

數十令善水者以筏先行遇鐵錐輒著筏而去又作大炬長十餘丈灌以麻油在船前遇鎖焚炬燒之須臾

炬熾融液船無所礙孫皓面縛詣軍門降

慶之蒼頭

繼倫黑面

宋書曰沈慶之

元嘉中雍州群蠻入寇命慶之為建武將軍慶之好戴狐帽蠻每見慶之軍輒曰蒼頭公來矣山堂肆考曰宋尹繼倫敗契丹耶律休格於徐河契丹主相謂曰當避黑面大王以繼倫面黑故也

投醪飲

軍置酒會將

史記曰楚人有饋簞醪者莊王投之於河令將士迎流而飲之三軍皆醉山

堂肆考曰唐張守珪為瓜州刺史鹵忽至衆失色守珪曰瘡痍之餘詎可以矢石相角須權以勝之遂置酒城

上會諸將作樂鹵疑有備不敢攻引去守珪縱兵擊敗之

光弼靴刀 曹彬匣劍

唐書曰李光弼與史思明戰於河陽分遣諸將以刀置靴中曰萬一不利我亦自刎不令諸君獨死 山堂肆

考曰宋太祖遣曹彬伐南唐以匣劍授之曰副將以下不用命者毋惜此劍

稱疾誓將

留湟勸軍

宋史曰曹彬征南城將陷忽稱疾不視事諸將問疾彬曰余疾非藥石所愈也惟諸君誠

心自誓克城之日不妄殺一人則自愈矣諸將焚香為誓彬即稱愈 又曰狄青起行伍十餘年身已顯面涅

猶存仁宗敕青傳藥除之青指其面曰陛下以功擢臣不問門第臣所以有今日者由此涅耳臣願留此涅以

勸軍

岳飛神算 立信長策

山堂肆考曰宋紹興中賊楊么敗官軍於鼎江

詔授岳飛清遠軍節度使討之復命張浚視師潭州飛已招降么黨黃佐將欲討么會朝議召浚還防秋飛曰

都督能少留八日可破賊浚曰何言之易耶飛遂如鼎
州黃佐招楊欽來降欽又說全忠劉銑來降飛詭罵欽
復遣去是夜掩賊營降其衆數萬么赴水死果八日而
捷書至潭浚歎曰岳侯神算也又曰宋汪立信咸淳
中上言宜出內郡兵以實江淮備外侮又選宗室忠良
及有幹用大臣以為統制分東西二府以浚其事如此
則可為安邊禦敵之長策矣

霹靂閃電

刀痕箭瘢

又曰唐長孫晟為秦州道

行軍總管出討突厥斬千餘級有達官來降者言突厥
大畏長總管聞其弓聲稱為霹靂見其走馬稱為閃電

又曰宋韓世忠嘗中毒矢以強弩括取之
十指僅全四不能動刀痕箭瘢如刻畫然

不肯探

簡何能卧牀

又曰東漢鄧禹表張宗為偏將軍赤眉
兵大至禹欲就堅城衆憚拒後禹乃書

諸將名於竹簡亂投笥中令各探之宗不肯曰死生有
命豈可辭難就逸遂為拒後戰却赤眉通鑑曰東漢

馬援建武中拜伏波將軍擊交趾還故人孟冀迎勞之
援曰方今匈奴擾邊男兒要當死於邊野以馬革裹尸
還葬耳何能卧牀上
身被三槍 面中六矢 山堂肆考曰漢

蓋勲為敵所敗身被三槍堅坐不動 通鑑曰唐安祿山令狐潮圍雍邱潮與張巡有舊巡使郎將雷萬春於城上與潮相間語未絕賊以弩射之面中六矢而不動
原亞夫居細柳 田單

在即墨

亞夫事見上說苑魯仲連謂田單曰夫將軍在即墨之時坐則織簀立則杖畱為士卒倡將

軍有死之心士卒無生之氣今將軍東有夜邑之封西有淄上之寶黃金橫帶騁乎淄澠之間是以樂生而惡死
增變幟雜秦軍 持幟立趙壁 戰國策曰秦假道韓魏以攻齊齊威

王使匡章將而應之與秦交和而今使者數相往來章為變其幟以雜秦軍候者言章子以齊入秦王不應如

此者三有司請發將擊之王曰此不叛寡人明矣曷為
擊之頃間言齊兵大勝秦王稱西藩之臣而謝於齊
史記曰韓信張耳擊趙趙聚兵井陘口夜半傳發選輕
騎一十人人持一赤幟從間道望趙軍戒曰趙空壁逐
我若疾入趙壁
拔其幟而易之

奮稍奔魏軍

帶箭入稜陣

齊書曰周盤龍

與魏軍戰其子奉叔陷陣盤龍奮稍奔魏軍莫不披靡
時奉叔已得出盤龍不知乃東西觸擊奉叔見其父久
不出復躍馬入陣父子兩騎縈攪數萬人魏軍大敗高
帝嘉盤龍功送金釵十二枚與愛妾杜氏手敕曰餉周
公阿杜山堂肆考曰隋煬帝遣將軍陳稜討杜伏威
伏威迎出挑戰稜軍射中其額伏威怒曰不殺汝矢不
拔乃帶箭馳入稜陣獲所射將使拔
箭出乃斬之攜其首入稜軍而示之

挺身說回紇

齧指示進明

通鑑曰唐代宗時回紇與吐蕃合兵圍湟
陽郭子儀曰今衆寡不敵難以力勝不若

挺身說之可不戰而下也遂以數騎出使人傳呼曰令
公來回紇大驚太師藥葛羅執弓注矢立陣前子儀免
曹釋甲投槍而進諸酋長皆下馬羅拜子儀亦下馬執
藥葛羅手責以負約藥葛羅曰吾為僕固懷恩所誤負
公誠深今請為公盡力以謝過遂與定約而還後回紇
大破吐蕃殺獲萬計唐書曰肅宗時尹子奇復寇睢
陽賀蘭進明在臨淮擁兵不救城中日蹙張巡乃使南
霽雲犯圍而出告急於臨淮進明具食延之霽雲曰睢
陽之人不食月餘矣霽雲雖欲獨食且不下咽大夫坐
擁強兵曾無分災救患之意豈忠臣義士之所為乎因
齧落一指以示進明曰霽雲既不能達主將
之意請畱一指以示信歸報座中皆為泣下

將軍總載三

增飛將軍

史記曰漢李廣為右北平太守匈奴號曰漢之飛將軍避之數歲不敢入

真將

軍

又曰漢文帝時匈奴大入邊周亞夫為將軍軍細柳上自勞軍至灊上棘門已而之細柳先驅至軍門都

尉曰軍中聞將軍令不聞天子詔上使使持節詔將軍

曰吾欲勞軍亞夫傳言開壁門天子按轡至中營亞夫

以軍禮見天子為改容式車文帝曰此真將軍矣

向者灊上棘門如兒戲耳至亞夫可得而犯耶

原

將軍周官

周禮曰王六軍軍將皆命卿鄭注云凡軍帥不特置選於六官六卿之吏自卿以下能任

者使兼

將軍之號

鶡冠子曰人道何先曰先兵富則驕貴則羸兵者百歲不一用然不

官焉

可一日忘也將軍

無則必亂

尸子曰千萬之軍無將軍則必亂

以

之號由來遠矣

征不服

漢書李廣傳曰將軍者國之爪牙也司馬法曰登車不軾遭喪不服振旅撫師以征不服萃三

軍之心同戰士之力故怒形則千里竦威震則萬物伏

親戎引枹而鼓

說苑曰田單為

齊上將軍攻翟不下明日親我結髮徑立矢石之所乃引枹而鼓之遂下

出征授鉞朝堂

漢魏故事曰夫遣將軍出征授節鉞於朝堂

大將軍一官屬并附

原杜氏通典曰大將軍戰國時官也楚懷王與秦戰秦敗楚擄其大將軍屈匄是矣漢高祖以韓信為大將軍

又竇嬰為大將軍每朝大議列侯莫敢抗禮

武帝又置初武帝以衛青數征

伐有功以為大將軍欲尊寵之故置大司馬官號以冠

之衛青加大司馬位冠於大將軍上共為一官

後霍光王鳳等皆然成帝綏

和二年賜大司馬印綬罷將軍官後漢光武時吳漢以

大將軍為大司馬

後漢大將軍自為一官其大司馬不加於其上

和帝時以竇

憲為之舊大將軍位在三公下置官屬依太尉憲威權

震朝廷公卿希旨奏憲位次太傅下三公上長史司馬

秩中二千石從事中郎二人六百石自下各有增

憲初為此

官威震天下尚書以下欲拜之伏稱萬歲尚書令韓稜曰禮無人臣稱萬歲之制乃止後梁冀為之官屬倍於

三公自安帝政理衰闕始以嫡舅耿璜為大將軍常在

京都順帝即位又以皇后父兄弟相繼為大將軍如三

公梁冀別傳云元嘉二年又加冀禮儀大將軍朝到端
門謁者將引增掾屬舍人令史官騎鼓吹各十人

風俗通曰桓帝初京師謠曰游平為大將軍印自有平不避豪
強及大姓按竇武字曰游平為大將軍印綬所加咸得
其漢末猶在三公上魏黃初中又有上大將軍以曹真

為之

吳亦以陸遜為上大將軍以諸葛恪為大將軍

明帝青龍二年晉宣帝自

大將軍為太尉然則大將軍在三司下矣其後又在三

司上自漢東京大將軍不常置為之者皆擅朝權至晉

景帝為大將軍亦受非常之任後以叔父孚為太尉奏

改大將軍在太尉後位次三司下後復舊在三司上至

太康元年琅邪王伾遷大將軍復制在三司下及伾薨復如舊冠綬佩服與大司馬同宋唯彭城王義康為之章綬冠佩亦與晉同齊以為贈梁有之陳以為贈後魏北齊為二大與大司馬同至後周建德四年增置上大將軍隋並以為武散官不理事上大將軍從二品大將軍正三品唐貞觀二年九月敕六軍先已各置統軍一人今十六衛宜各置上將軍一人秩從二品其左右衛及左右金吾衛上將軍俸料隨軍人馬等並同六軍統

軍其諸衛上將軍次於統軍支給自今以後内外文武

闕官於文武班中材望相當者參叙仍待以後各依故

事於本衛量置衛兵仍舉故事置武班朝參其廊下食

亦宜加給稍令優重漢不見官屬後漢大將軍驃騎將

軍車騎將軍衛將軍有長史一人司馬一人實憲為大將軍置長

史司馬員吏官屬從事中郎二人掾屬二十九人令史

位次太傅屬官

及御屬三十一人又賜官騎四十人及鼓吹應劭曰鼓吹二十人

非常其領軍皆有部曲大將軍營五部部校尉一人軍

司馬一人部下有曲曲有軍候一人曲下有佗佗長一人其不置校尉部但有軍司馬一人其別營領屬為別部司馬其兵多少各隨時宜門有門候魏以司馬景王為大將軍置掾十人別無屬官其驃騎車騎府有長史司馬晉驃騎衛將軍伏波撫軍都護鎮軍中領四征四鎮龍驤典軍上軍輔國等大將軍開府皆為位從公品秩俸賜亦與諸公同加兵者增置司馬一人從事中郎二人主簿記室督各一人官屬並與公同宋大將軍車

騎驃騎衛將軍諸府皆有長史一人參軍一人又各置
司馬一人齊有大將軍為贈官無僚屬諸驃騎車騎衛
鎮軍中軍撫軍四征四鎮等將軍凡加大字位從公長
史司馬諸官屬亦同公梁因之諸將軍優者亦然陳為
贈官無僚屬後魏大將軍僚屬如三公北齊亦然後周
大將軍有長史司馬中郎掾屬諸曹參軍典籤等貞隋
以後無 增王世貞史料曰吳元年徐中山達以中書
左相國挂大將軍印平吳還上之

大將軍二

增史記曰武帝伐匈奴以衛青為大將軍位在諸公上
公卿皆拜唯汲黯獨揖有言大將軍尊貴不宜爾黯曰
大將軍有揖客獨不貴耶青聞之愈重黯 漢書曰武
帝以霍光為大將軍輔昭帝田千秋為丞相及昭帝初
即位未任聽政事一汲大將軍光千秋居相位謹厚有
重名光謂千秋曰始與君俱受先帝遺詔令光治內君
侯治外宜有以教督使光無負天下千秋曰唯將軍留

意即天下幸甚終不有所言 後漢書曰詔鄧騭班師

朝廷以太后故遣五官中郎將迎拜騭爲大將軍軍到
河南使大鴻臚親迎中常侍齎牛酒郊勞王主以下候
望於道既至大會群臣賜束帛乘馬 應劭漢官儀曰
和帝以竇憲爲大將軍乃冠三公 又曰梁冀爲大將
軍以三世姻媾援立之功官屬皆倍餘府 魏志曰太
傅司馬宣王奏免曹爽皇太后詔召高文惠假節行大
將軍事據爽宮太傅謂之曰君爲周勃矣 後魏書曰

莫題有謀策為大將軍平慕容麟賜爵東宛侯後太祖

欲廣宮宇規度平城四方數十里將模鄴洛長安之制

運材數百萬以題機巧令監定焉 陳思王輔臣論曰

知慮深奧淵然難測執節平敵中表條暢恭以奉上愛

以接下納言左右為帝喉舌曹大將軍也 晉志曰大

司馬大將軍太尉驃騎車騎衛將軍諸大將軍開府位

從公者為武官公皆著武冠平上黑幘 獻徵錄徐達

傳曰達封公後復佩大將軍印鎮北平以便宜徙山後

順寧等處軍民戶三萬五千八百口一十九萬七千餘
籍為軍者給月廩為民者給田以耕凡置屯二百五十
四定墾田一千三百四十三頃北平軍府之用皆賴之

大將軍三

原如三公

次丞相

續漢書百官志曰順帝以皇后父梁商為大將軍如三公府置長史

司馬中郎掾二十九人

蔡質漢儀曰漢興置大將軍

驃騎位次丞相車騎衛將軍左右前後皆金紫位次上

卿典京師兵

鎮撫四夷

威鎮州郡

北堂書鈔曰漢武柏梁詩云大

衛四夷屯警

將軍曰鎮撫四夷未易哉

續漢書曰吳漢為大將軍

持節北發十郡突騎更始幽州牧苗曾不肯應調漢斬

曾威鎮州郡
將其兵詣上

常居門下

恭以奉上

漢書曰吳漢為人質厚少文造

次不能以辭自達鄧禹及諸將多知之數相薦舉乃得召見遂見親信常居門下下見前曹植輔臣論

增耿況明經

夏侯學禮

後漢書曰耿況王莽時以明經為朔調連率光武徇河北

加況大將軍魏志曰夏侯惇年十四就師學後為大將軍雖在軍旅親迎師受業

亮戮馬謖

會斬許儀

蜀志曰諸葛亮為大將軍出軍向祁山馬謖統大眾在前與魏將張郃戰於街亭謖

違亮節度大為郃所破亮戮謖以謝眾魏志曰鍾會為大將軍伐蜀命牙門將許儀在前治道會在後行而橋穿馬足陷於是斬儀儀許褚之子有功王室猶不原貸諸軍聞之莫不震悚

鮑永敝素

鄧芝素儉

後漢書曰鮑永初為更始尚書僕射行大將軍事雖為將率而車服敝素為道路所識嘗

衣皂襜褕路稱鮑尚書兵馬蜀志曰鄧芝為大將軍二十餘年身之衣服資仰於官不苟於取素儉脩然不

治私產妻子

梁椿撫納

王操撫循

後周書曰梁椿為大將軍性果

不免飢寒

穀善於撫納所獲賞物分賜麾下故每踐敵場咸得其

力冊府元龜曰王操為大將軍侍明帝出頓紀南操

撫循將士

三郡皆平

萬口來降

又曰曹真為大將軍督諸軍擊南安

莫不用命

天水安定三郡安定民楊條等略吏民保月支城真進

軍圍之條謂其衆曰大將自來我願早降爾遂自縛出

三郡皆平

又曰孫峻為大將軍魏鎮東將軍毋邱儉

前將軍文欽以淮西之衆西入戰於樂嘉峻與驃騎將

軍呂據左將軍留贊率兵罷壽春軍及東興聞欽等

敗兵進於橐臯欽詣峻降淮南餘衆數萬口來降

所當皆破

每戰先登

隋書曰乞伏慧周武帝時為熊渠中大夫高祖為丞相從韋孝

寬擊尉遲惇于武陟所當皆破授大將軍又曰史萬
歲仕周為開府儀同三司從梁士彥擊尉遲迴每戰先
登及迴平以功遣人請事命使馳奏遣人自軍中請
拜上大將軍

事上勞之曰將軍忠義出乎天性雖古豪傑之士不能
過今所請事悉欲稟命而行此賢臣事君之道吾甚嘉
之所請事多可行者將軍從宜行之明張輔傳曰永
樂四年命成國公朱能為大將軍征安南師次龍川能
遵疾以師授右副將軍張輔能薨輔代總其衆以進
命使馳奏遣應揚將軍呂毅等督軍進攻賊敗走

總中外事

領宿衛兵

後周書曰于翼為大將軍總中
外宿衛兵事唐書曰阿史那

杜爾為右軍大將軍太宗征高麗駐驛之陣領屯
衛飛騎及長上宿衛之兵奮不顧命所向無前

鄰

懷陸遜

敵憚王軌

吳志曰陸遜為大將軍大帝嘉禾
五年北征遜遣將軍周峻張梁等

擊江夏新市安陸石陽峻等奄至人皆捐物入城城門
噓不得闕其所生獲皆加營護將家屬來者使就料視
若亡其妻子者即給衣糧厚加慰勞發遣令還或有感
慕相攜而歸者鄰境懷之周書曰王軌為上大將軍
解徐州之圍擒陳將吳明徹遂為
徐州總管威震敵境陳人憚之
原晉以為卿號

趙始受大名

續漢百官志曰大將軍始自秦漢以為卿
號漢官儀曰將軍周官也趙王以李牧

為將軍破秦始受大
名王翦灌嬰並為之

梁冀賜官騎

曹真為喉舌

漢書

百官志曰順帝以皇后父梁冀為大將軍賜官騎及鼓
吹曹植輔臣論曰納言左右為帝喉舌曹大將軍也

增願奮擊隴蜀

自請定漁陽

後漢書曰陳俊為琅
邪太守行大將軍事

數上書自請願奮擊隴蜀詔報曰陳州新平大將軍之
功也負海猾夏盜賊之處國家以為重憂且勉鎮撫之

又曰耿弇為建威大將軍從幸舂陵因見自請北收上谷兵未發者定彭寵於漁陽收張豐於涿郡還收富平獲索東攻張步以平齊地帝壯其意乃許之

策書勞寇恂

御座宴張奐

又曰寇恂為河內太守行大將軍事朱鮪使蘇茂賈彊度鞏河攻溫恂因奔擊大破之時軍食急乏恂轉輸不絕帝數策書勞問封雍奴侯隋書曰張奐自高祖作相授大都督領鄉兵進開府儀同三司徵入朝拜大將軍高祖命陞御座而宴之謂奐曰卿可為朕兒朕為卿父賜綺羅千匹綠沈甲獸文具裝

令裨將

傳餐 命三軍趣食

漢書曰韓信為大將軍擊趙未至井陘口三十里止舍夜半傳發選

輕騎二千人持一赤幟從間道葦山而望趙軍戒曰趙見我走必空壁逐我若直入拔趙幟立漢幟令其裨將傳餐曰今日破趙會食諸將皆莫信陽應諾乃入趙壁擒王歇隋書曰于仲文初為後周大將軍尉遲迥

之亂仲文大破迴將檀讓軍進攻梁都迴守將李子寬
邀走初仲文在蓼堤諸將皆曰軍士遠來士馬疲敝不
可洩勝仲文命三軍趣食列陣大戰既而破賊諸將皆
請曰前兵疲不可交戰竟而克勝其計安在仲文笑曰
我所部將士皆山東人果於速進不宜持久
乘勢擊之所以制勝諸將皆以為非所及也
尉遲督

六軍

賀婁授十鎮

周書曰尉遲迴為西魏大將軍侯景之渡江梁元帝時鎮江陵請脩

鄰好其弟武陵王紀在蜀稱帝將攻之梁元帝大懼乃
遺書請救又請伐蜀乃令迴督開府元珍乙弗亞万俟
呂陵始叱奴興綦連宇文升等六軍甲士一萬二千騎
萬匹伐蜀隋書曰賀婁子幹為上大將軍開皇中國
寇岷洮二州子幹以行軍總管勒兵赴之賊聞而邀
高祖以子幹曉習邊事授榆關總管十鎮諸軍事

將兵鎮武威

率師平越舊

後漢書曰竇憲為大將軍
永元二年將兵鎮武威憲

以護羌校尉鄧訓曉羌人方略上表俱行 三國魏志
曰鄭恪武帝時為大將軍天師中率師平越嵩置西寧
州

原漢祖具禮拜韓信 袁紹恥班下魏武

漢書韓信傳曰

王欲召信拜為大將軍蕭何曰王素嫚無禮今拜大將
如兒戲耳王必欲拜之擇日齋戒設壇場具禮乃可王
許之 北堂書鈔曰魏武為大將軍袁紹為 增衛青
大尉紹恥班在下魏武乃因以大將軍讓紹

賢汲黯

霍光愛楊敞

史記曰衛青為大將軍既益尊
姊為皇后然汲黯與亢禮或說

黯曰自天子欲令羣臣下大將軍大將軍尊貴誠重君
不可以不拜黯曰夫以大將軍有揖客反不重耶青聞

益賢黯 冊府元龜曰漢霍光為大司馬大
將軍時楊敞給事幕府為軍司馬光愛厚之

清約不

事生產

得祿皆散宗族

後周書曰司馬裔為大將軍
性清約不事生產所得俸祿

並散親戚又曰蔡祐為大將軍性節儉所得祿皆散與宗族

接以師友之道待

以交友之禮

冊府元龜曰後漢竇融為河西大將軍班彪避地河西融以為從事深敬待之接以

師友之道彪乃為融畫策事漢又曰魏鍾會為大將軍伐蜀蜀蔣琬子斌為綏武將軍漢城護軍會至漢城與斌書後主既降鄧艾斌詣會於涪待以交友之禮

大將軍四

增言至流涕

吳志曰陸遜為大將軍時中書典校呂壹竊弄權柄遜與太常潘濬同心憂之言至

流涕後大帝誅壹深以自責

聞之流涕

晉書郝鑒為大將軍徐州刺史時撫峻為亂京師陷

沒鑒聞之流涕設壇場刑白馬大誓三軍登場慷慨三軍爭為用命

宴享極歡

隋書曰于仲文

為大將軍高帝初為丞相尉遲迴之亂仲文討之河南
既平勒石紀功樹于泗上入朝京師高祖引卧内宴享

極歡拜柱國河

賜宴極歡

又曰元諧為大將軍時高祖為丞相尉遲迴作亂遣

南道大行臺

兵寇小鄉令諧擊破之及高祖受禪賜宴極歡進位上大將軍

原位在三公上

辨釋名曰

大將軍位在三公之上昭帝時霍光為大將軍猶在丞相下

奏改三公下

杜氏通典曰晉

宣帝為大將軍後以叔孚為大尉奏改大將軍位三公下

軍内拜衛青

漢書曰衛青字仲卿

為車騎將軍擊匈奴右賢王引兵至塞天子使使者持大將軍印於軍内拜青也

卧内拜曹

爽魏志曰曹爽字伯昭為武衛將軍明帝寢疾乃引爽入卧内拜大將軍假節鉞都督中外諸軍事錄尚書

事受遺詔輔少主

漢時貴戚為之

辨釋名曰大將軍漢時貴戚為之或錄尚書事

安帝嫡舅為之

通典曰安帝以嫡舅耿璠為大將軍

大將軍五

原詩晉潘尼送大將軍掾盧宴詩曰贈物雖陋薄識意
在忘言瓊琚尚交好桃李貴往還蕭艾苟見納貽我以
芳蘭 增明王世貞戚大將軍入帥禁旅枉駕草堂賦
此贈別詩曰初聞小隊駐吳江忽漫花溪隱畫艘細柳
尚虛金鎖甲前茅時緩碧油幢南中舊部思馳義塞上
新城喜受降憑寫雲臺須第一如論國士總無雙 張

以誠贈蕭大將軍移鎮漁陽詩曰鳴沙城北接雲中千里飛狐一道通十萬健兒齊上馬旌旗獵獵動秋風

增制唐蘇頲授嗣鄭王希言大將軍制曰具官希言才推近屬行稟中和用沈厚以為謀體直方而成器頻升列棘之班常踐執金之秩歷官斯久更事逾深必在親賢用膺心膂宜領右軍之寄仍直大將之任 唐李嶠授河內高平王重規等大將軍制曰昔程李二將分領東西之宅周邵兩藩並行南北之化兼此重務允歸賢

戚具官重規等並麟趾英髦犬牙良翰勲藏天府名入
史圖勤誠著於文武美績宣於中外爪牙任切都輦寄
深求賢審官不踰伯叔之國叶心共理佇觀兄弟之政
驃騎將軍一

原杜氏通典曰漢武帝元狩二年始用霍去病為驃騎
將軍定令令驃騎將軍秩祿與大將軍等光武中興以
景丹為驃騎大將軍位在三公下明帝初即位以弟東
平王蒼有賢才以為驃騎將軍以王故位在公上

蒼為驃騎

輔政開東閣延英雄及蒼歸國有驃騎時吏丁牧周棚
以蒼敬賢下士不忍去之遂為王家大夫數十年事祖
及孫帝聞數年復罷其官屬附在
褒美之
大將軍後
魏晉齊並有之

梁雜號中亦有 陳後主以蕭摩訶為侍中驃騎大將

軍加左光祿大夫特開黃閣施行馬廳事寢堂置鴟尾

如三公制 後魏初加大則在三司上太和中制加大

則在都督中外諸軍下 後周亦有之 隋開皇中置

驃騎將軍府每府置驃騎車騎將軍各二人十七年頒

銅獸符於驃騎車騎府煬帝改驃騎為鷹揚郎將改車

騎為鷹揚副郎將 唐復改為車騎驃騎其制如開皇

而益復微矣武德元年詔以軍頭為驃騎將軍軍副為

車騎將軍

又詔太子諸率府各置驃騎將軍五員車騎將軍十員

後皆省之顯慶

元年乃復置驃騎大將軍為武散官 增宋史曰武散

官三十一驃騎大將軍從一 續文獻通考曰金驃騎

衛上將軍為武散官正三品下元武職三十四階驃騎

衛上將軍正二品 會典曰正二品初授驃騎將軍

驃騎將軍二

原韋昭辨釋名曰驃騎車騎衛將軍秩皆比三公辨云
此三將軍秩本二十石 百官表注曰驃騎將軍漢官
也長史司馬各一人金章紫綬五時朝服武冠佩山玄
玉 漢書曰武帝以霍去病為嫖姚校尉征匈奴屢有
功寵冠羣臣始置驃騎將軍 東觀漢記曰其將軍不
常置比公者又有驃騎將軍建武二十年復置驃騎將
軍位次公有長史一人 又曰明帝詔曰東平王蒼寬
博有謀可以託六尺之孤臨大節而不可奪其以蒼為

驃騎將軍 又曰永平二十五年左中郎將劉隆為驃

騎將軍即日行大將軍事 魏志曰王昶距毋邱儉進

位驃騎將軍 世說曰何驃騎第五以高情避世而驃

騎勸令仕對曰然第五之稱何必驃騎

按本傳何準兄弟為驃騎將軍

準兄弟中第五也

增冊府元龜曰晉齊王攸為驃騎將軍開

府辟召禮同三司降身虛已待物以信 隋書曰崔彭

轉驃騎將軍宿衛性謹密在省闥二十餘年每當上在

仗危坐終日未嘗有怠惰之容上甚嘉之每謂彭曰卿

當上日我寢處自安又嘗曰卿弓馬固已絕人頗知學
不彭曰臣少愛周禮尚書每於休沐之暇不敢廢也上
曰試為我言之彭因說君臣戒慎之義上稱善明獻
徵錄曰顧成為驃騎將軍右軍都督府僉事官其長子
統普定衛指揮使是歲命成佩征南將軍印總兵征水
西叛寇生擒賊首敬德斬之餘寇悉降又曰朱榮為
驃騎將軍敗賊於嘉林江

驃騎將軍三

原位次丞相

位在公上

漢官儀曰漢置驃騎將軍位次丞相漢雜事曰董重為

驃騎將軍位在公上

議定制

度匡贊時俗

王蒼為驃騎將軍續漢書曰東平憲

是時四方無虞蒼以天下化平宜脩禮樂乃與公卿共議定南北郊冠冕車服制度及祖廟登歌八佾舞數蒼以親輔政盡心王室每有議事上未嘗不見從名稱曰重北堂書鈔曰曹植輔臣論云在朝廷則匡贊時俗百僚侍儀一臨事則戎昭果毅折衝厭難者司馬驃騎也按司馬驃騎晉宣王也

虛已禮士

高選佐史

漢書東平王蒼傳云蒼為驃騎將軍置長史掾史四十人位在三公上辟當世名士

虛已禮之

王隱晉書曰梁王彤為驃騎將軍置左右長史司馬高選佐史也

增獲醜七萬

拓地二千

漢書曰霍去病為驃騎將軍元狩四年春出定襄執訊獲醜七萬有四百四十三級

武帝以五千八百戶益封秩祿與大將軍等後周書
曰李遷哲初為西魏驃騎大將軍與田宏同討信州凡
下十八州拓地二千餘里

出其不意

知其無備

北魏書曰李遠為驃騎大將軍

時東魏北豫州刺史高仲密請舉州來附北齊神武屯
兵河陽太祖以仲密所據遼遠難為應接諸軍皆憚此
行遠曰北豫遠在賊境高歡又屯兵河陽實難救援但
兵務神速若以奇兵出其不意事或可濟太祖嘉曰李
萬歲所言差強人意乃授行臺尚書前驅東出太祖率
大軍繼進拔仲密以歸後周書曰陸騰為驃騎大將
軍江州刺史陵州木寵獠恃險羸獷詔騰討之獠因山
為城攻之未可拔騰於城下多設聲樂及諸雜伎示無
戰心諸賊果棄其兵仗臨城觀樂騰知其
無備密令衆軍俱上縱兵討擊盡破之

王沈屬文

高琳賦詩

冊府元龜曰晉王沈好書善屬文為驃騎
將軍錄尚書事後周書曰高琳為驃騎

欽定四庫全書

卷一百一

大將軍時文州氏首反琳討平之師還高祖宴公卿命賦詩言志琳詩云寄言賓車騎為謝霍將軍何以報天子沙漠靖妖氛帝悅曰獠獠陸梁未時款塞卿言有驗國之福也

子謹偽降 韋佑

潛邀

又曰子謹為西魏驃騎大將軍從太祖攻齊神武於邛山不利謹率其麾下偽降立於路左齊神武

軍乘勝逐北不以為虞追騎過盡謹乃自後擊之齊軍大亂以此大軍得全 冊府元龜曰韋祐為驃騎大將

軍東魏遣軍送糧饋宜陽祐潛邀之轉戰數十里

益張旗幟 廣張軍聲 後

書曰權景宣為驃騎大將軍破梁司空陸法和司馬羊亮於涓水又遣別帥攻拔魯山多造舟艦益張旗幟臨

江欲渡以懼梁人 冊府元龜曰侯淵為驃騎將軍討韓樓配卒甚少淵遂廣張軍聲親率數百騎深入樓境

大破之

賈疋志略

李穆忠節

晉書曰賈疋愍帝時為驃騎大將軍少有志略

氣望甚偉見之者莫不悅附北周書曰李穆為都會
芒山之戰免太祖於難太祖美其忠節乃歎曰人之所
貴唯身命耳李穆遂能輕身命之重濟孤於
難乃特賜鐵券恕以十死進驃騎大將軍
將吏荷

恩軍中効命

後周書曰陳忻為驃騎大將軍散財施
惠得士衆心身死之日將吏荷其恩德

莫不感慟又曰李遷哲為驃騎大將軍
兵士有疾親加醫藥軍中感之人思効命

如孝寬策

與郭賢謀

又曰韋孝寬為驃騎大將軍鎮玉壁武帝
志在平齊孝寬乃上疏陳三策爾後定山

東卒如孝寬之策又曰王思政為驃騎大將軍鎮宏
農郭賢為伏波將軍從思政行宏農郡事賢有算略思
政重之禦邊之
辭色不撓聲色愈厲
冊府元龜曰
張孝珉為驃

騎將軍驍勇善戰武德三年為王世充所圍衆寡不敵
力屈就擒見世充辭色不撓遂為所殺又曰武德初

劉威以驃騎將軍鎮涇州薛仁果率衆圍之感嬰城拒守後出戰被擒仁果令感語城中云援軍已敗宜早出降感許之及至城下大呼曰逆賊大飢亡在朝夕秦王率軍十萬四面俱集城中勿憂各宜自勉以全忠節仁果執感於城邊埋脚馳騎射殺之至死聲色愈厲

楊紹中股

田宏破骨

後周

書曰楊紹為輔國將軍從于謹圍江陵紹為流矢中股力戰不衰事平進驃騎大將軍又曰田宏為驃騎大

將軍每臨陣摧鋒直前身被一百餘箭破骨者九馬被十稍朝廷壯之

十日即畢

五

騎行前

又曰韋孝寬為驃騎大將軍鎮玉壁欲當其要處置大城乃遣姚岳監築之岳以兵少為難孝

寬曰計成此城十日即畢既去晉州四百餘里一日創始二日偽境始知設令晉州徵兵二日方集謀議之間自稽三日計其軍行二日不到我之城隍足得辦矣乃命築之齊人果疑有大軍停留不進版築克就卒如其

言又曰魏元為驃騎大將軍陝州總管尉遲綱遣元率步騎五百邀擊東魏雒州刺史獨孤永業有衆二千餘人元輕將五騎行前覘之卒與之遇便即交戰殺數十人獲馬并甲稍等永業遂退

以草塞

創取汁和屑

隋書曰張定和為驃騎將軍從上柱國李充擊突厥先登陷陣敵刺之中頸定

和以草塞創而戰神氣自若敵遂敗走高祖遣使者齎藥馳詣定和所勞問之冊府元龜曰武德初劉感以

驃騎將軍鎮涇州薛仁果率衆圍之城糧盡遂殺所乘之馬以分將士感一無所噉唯煮馬骨取汁和木屑

食之不事邊幅不自矜尚

後周書曰王羆為驃騎大將軍羆性儉率不事邊幅

嘗有臺使至羆為設食使乃裂其薄餅緣羆曰耕種收穫其功已深春鑿造成用力不少乃爾選擇當是未飢命左右撤去之使者大慙冊府元龜曰北齊斛律羨後主武平初為驃騎大將軍兄子武都為兗州刺史羨

歷事數帝以謹直見稱雖極榮寵不自矜尚至是以合門貴戚上書推讓

原獲獠狁之士

脩水戰之具

漢書曰霍去病為驃騎將軍與大將軍衛青各五萬步騎數十萬伐匈奴出北

平二千餘里功多於青既還上曰驃騎將軍去病率師躬將所獲獠狁之士約輕齎絕大幕封狼居胥山禪於姑衍登臨瀚海執訊獲醜上為治第令視之對曰匈奴未滅何以家為元狩六年薨上悼之發屬國元甲軍陳自長安至茂陵為冢象祈連山謝承後漢書曰張意為驃騎將軍討東甌賊意脩水戰之具浮海就攻一戰大破所向無敵

增賀蘭祥清約

長孫澄儉素

後周書曰賀蘭祥為驃騎

大將軍荊州刺史性甚清約州境接襄陽岷蜀物產多珍異時與梁通好往來贈遺一無所受又曰長孫澄為驃騎大將軍操履儉素太祖謂曰我於公間志無所惜公有所須宜即具道澄曰澄自頂至足皆明公恩造

即如今者
實無所須

徒跣持白挺

下馬用長稍

又曰王羆為
驃騎大將軍

鎮華州齊神武遣韓軌等罷羆不之覺比曉羆尚卧
未起聞閣外洶洶有聲便袒身露結徒跣持一白挺大
呼而出敵見之驚走又曰王思政為驃騎大將軍
河橋之戰思政下馬用長稍左右橫擊一擊踣數人

都督十二年

總兵三十載

三國吳志曰步騭為驃騎
將軍領冀州牧都督西陵

十二年鄰敵敬其威信後周書曰陳忻為驃騎大將
軍與韓雄里門姻婭少相親暱俱總兵境上三十餘載
每有禦捍二人相赴常若影
響故得數對勅敵常保功名

獨孤言賀若

趙儼薦

胡昭

又曰獨孤信為驃騎大將軍於洛陽被圍賀若敦
彎弓三石箭不虛發信大奇之言於太祖乃引置

麾下授都督

冊府元龜曰趙儼為驃騎將軍正始中

胡昭養志不仕

以經籍自娛儼薦昭曰天真高潔老而

彌篤宜蒙徵命以勵風俗

原趙儼叉手上車

紀瞻止家為府

魏略

曰故事四征有官府財籍遷轉之際無不因緣趙儼自西征為驃騎叉手上車發到壩上忘持其常所服藥雍州聞之乃追送雜藥材數箱儼笑曰人言語殊不易我偶問所服藥耳何用是為遂不取
晉書丹陽紀錄曰紀瞻字士達為驃騎將軍服物制度一按舊典遣使就拜止家為府

驃騎將軍四

增力追齊將

冊府元龜曰劉雄為驃騎大將軍力戰齊將段孝先於長城西遷軍司馬進爵為周

昌侯 追退魏將

又曰楊標為驃騎大將軍邛山之戰追退魏將侯景太祖嘉之賜帛三百匹

亟有戰功

北魏書曰叱列伏龜孝明時累遷征西將軍後從太祖征討亟有戰功西魏文帝時

進位驃騎大將軍

屢有戰功

冊府元龜曰周宇文欣為儀同三司賜爵興固縣公韋孝寬之

鎮王辟也以欣同行屢有戰功加位開府驃騎將軍

賀若敦伏甲

冊府元龜曰西魏賀若敦

為驃騎大將軍討陳將侯瑱於湘州時土人亟乘輕舟載米粟及籠雞鴨以餉瑱軍敦患之乃偽為土人裝船伏甲士於中瑱軍兵人望見謂餉船之至逆來爭取敦甲士出而擒之

李子雄伏甲

書

曰李子雄為驃騎大將軍煬帝初漢王諒亂帝疑幽州總管竇抗有貳心拜子雄為廣州刺史馳至幽州召募得千餘人抗從鐵騎二千來詣子雄所子雄伏甲請與相見因擒抗

攻河陰先登

冊府元龜

曰宇文慶為驃騎大將軍從高祖攻河陰先登攀堞與賊接戰良久中石乃墜絕而復蘇帝勞之曰卿之餘勇可以賈人也

征洮陽先登

後周書曰梁臺為趙平郡大守屢遷驃騎大將軍孝明帝時從

賀蘭祥征洮陽先登有功別封綏安縣侯

以功加柱國

隋書曰韓洪仕周為大都督高祖受

禪進爵為公尋授驃騎將軍平陳之役

功多進柱國

授行軍總管及陳平以功加上柱國

後周書曰侯莫陳崇為驃騎大將軍開府從擒竇

韋

恭復宏農破沙苑從戰河橋崇功多進位柱國

孝寬鎮玉壁

後周書曰韋孝寬為驃騎大將軍鎮玉壁時晉公護將東討孝寬遣長史辛道憲啓

陳不可護不納既而大軍果不利

達奚武鎮玉壁

又曰達奚武授驃騎大將軍屢立大

功朝議欲以為柱國武謂人曰我作柱國不應在元子孝前固辭不受以大將軍出鎮玉壁

不煩

國家士馬

又曰趙杲為大都督行南秦州事又加驃騎大將軍杲自以被拔擢傾心下士擄獲氐羌

撫而使之皆為盡力文帝曰不煩國家士馬而能威服氐羌者趙杲有之矣

不煩國家兵

馬又曰王羆為驃騎大將軍鎮華州時茹茹渡河南寇

專達召羆議之羆不應命謂其使曰若茹茹至渭北者

王羆率鄉里自破之不煩國家兵馬何為天子城中遂

作如此驚動繇周家小兒怯懦至此高市貴并州功冊府元龜曰高市

神武破紇豆陵於并州有功除驃騎大將軍儀同三司封常山郡公源子恭豫州功又

源子恭永熙中入為吏部尚書加驃騎大將軍以子恭在前豫州戰功追賞襄城縣開國男樊叔

略身先士卒隋書曰樊叔略為驃騎大將軍從高祖

李遷哲身先士卒後周書曰李遷哲為驃騎大將軍與

鋒所在攻戰無
不身先士卒

驃騎將軍五

原諫晉張華魏劉驃騎諫曰昔在殷周惟伊惟呂穆穆
公侯昭茲勲緒如何上天殲我鼎輔金剛玉潤水潔冰
清郁郁文彩煥若朝榮功遂身退致仕懸輿志邈留侯
心邁二疏風凜凜以翼衡雲霏霏以承蓋旄聯翩以飄
颺旌繽紛以奄薄

增碑呂元膺驃騎大將軍論公神道碑曰公諱惟賢字
惟賢西土人也少有志尚奮身轅門與元帥哥舒翰犄

角扞寇鋒刃既即大小數十戰摧陷堅陣洎王師失御以智信保全所領之軍馳於靈武扈從肅宗與先父洎乎昆弟立勲成效不可備述至德中授壽府典軍次授左衛郎將賜紫金魚袋俄轉左監門率又遷左領軍衛將軍又特進右領軍衛大將軍貞元十五年授驃騎大將軍行左武威衛將軍上柱國茲以疾終私第詔給鹵簿鼓吹所以褒寵也

增銘唐穆員驃騎大將軍劉海賓墓銘曰公諱海賓彭

城人也以義俠聞於汧隴之間洎天下兵興以身許國
累功百戰全生萬死歷官十七政至於開府儀同三司
御史中丞樂平郡王食實封五千戶充涇原節度兵馬
使建中初拜驃騎大將軍後二年長安有朱泚之亂公
與故太尉段秀實約曰公為曹沫我為荊卿期以一劍
而復大駕故公先機而發有害其成段公與公是日并
命君子謂二公之死千古如生銘曰赫赫太保自天降
忠見危致命有始有終偉哉段公與我同德將滅妖彗

載清宸極天之方稔運奪其力悠悠青史異代悽惻

原表梁簡文帝讓驃騎揚州刺史表曰常願親俛

一作俛服

就列希同特進之班角巾還第不競龍驤之賞而天澤
無涯名器總集竊以驃騎之官既為上將神州之重寶
號中土故以彈壓六戎冠冕九牧豈止司隸絳節金吾
緹騎况復任總皇畿位重連率何則驃騎之號歷選為
重元狩之中始自去病永平之建特授劉蒼齊憲為公
主所申吳漢因群臣之舉

車騎將軍一

原杜氏通典曰漢文帝元年始用薄昭為車騎將軍

灌嬰

周亞夫金日

後漢章帝即位西羌反以舅城門校尉馬

防行車騎將軍征之銀印青綬在卿上絕席還復罷和

帝即位以舅竇憲為車騎將軍征匈奴始賜金印紫綬

次司空

竇憲為車騎將軍辟崔駰為掾憲府貴重掾屬三十人皆故刺史二十石惟駰以處士年少權

在其間其僚佐故事如太尉後梁冀為之官屬倍於餘府

安帝即位西羌寇亂以舅

鄧騭為車騎將軍征之數年復罷

又皇甫嵩等為之其官屬附見大將軍後

靈帝數以車騎過拜嬖臣及贈亡人

應劭曰美職加於頑兇印綬汚於腐

屍虧國家之舊傷虜武之重昔年有覩被疑之祥知其為戎今假號雲集不亦宜乎魏車騎為都

督儀與四征同若不為都督雖持節屬四征者與前後

左右雜號將軍同其或散還從文官之例則位次三司

晉宋車騎衛不復為四征所督晉羊祜為車騎將軍後開府如三司之儀

魏制與驃騎同位次升降並同隋車騎屬驃騎府唐省之

車騎將軍二

增漢書曰元光年以中尉程不識為車騎將軍屯鴈門

吳志曰孫一奔魏以一為車騎將軍儀同三司封吳侯蜀志曰鄧芝字伯苗義陽新野人益州從事張裕善相芝往從之裕謂芝曰君年過七十位至大將軍封侯延熙六年遷為車騎將軍涪陵國人殺都尉反芝率軍征討即梟其渠百姓安堵為大將軍二十餘年賞罰明斷善卹卒伍

車騎將軍三

增取河南地 登燕然山

漢書曰衛青武帝元光六年拜車騎將軍擊匈奴出上谷

斬首數百級賜爵關內侯元朔元年秋青復將三萬騎出雁門斬首數千明年青復出雲中遂取河南地為朔

方郡後漢書曰竇憲為車騎將軍大破單于於嵯落山遂登燕然山刻石勒功紀漢威德令班固作銘

改驃騎班作儀同面晉書曰賈充為車騎將軍時吳

帝以充舊臣欲改班使車騎居驃騎之右充固讓見聽

後周書曰伊婁穆字奴千初為太祖內親信授奉朝

請邛山之役力戰有功拜為都督丞相府參軍事屢遷撫軍將軍大都督通直散騎常侍嘗入白事太祖望見

悅之字之曰奴千作儀同面

斬首四千將兵八百

見我矣於是拜車騎大將軍

後漢書曰馬防建初二年金城隴西保塞羌皆反拜防行車騎將軍事羌豪圍南郡都尉於臨洮防將數百騎

去臨洮十餘里鼓譟而前羌人驚走因追擊破之遂解

臨洮圍冊府元龜曰吳朱然為車騎將軍右護軍赤

烏五年征相中魏將蒲忠胡質各得數千人忠要遮險
隘圖斷然後質為忠繼援時然所督兵將先四出聞問
不暇收合便將帳下見兵八百
人逆掩忠戰不利質等皆退
屢挫其銳 盡獲所

掠隋書曰王辨為車騎將軍渤海賊帥高士達衆以萬
數辨擊之屢挫其銳帝聞而馳召之及引見禮賜甚

厚後周書曰常善為涇州刺史屬茹茹入寇抄
北邊善率所部破之盡獲所掠拜車騎大將軍 賜

錢十億 賜金巨萬 冊府元龜曰漢馮緄桓帝時為車
騎將軍擊武陵蠻彝荊州平定詔

賜錢十億固讓不受 又曰陳蕭摩訶後主時始興王
叔陵為逆摩訶勒兵追斬之以功授散騎常侍車騎大

將軍封綏遠郡公叔陵所蓄
金帛累巨萬後主悉以賜之
鎮守北邊 案視諸鎮

後漢書曰杜茂為車騎大將軍光武時與郭涼擊盧芳
將尹白於繁時時芳據高柳與匈奴連兵數寇邊民帝

患之遣謁者段忠將衆郡弛刑配茂鎮守北邊因發邊卒築亭候脩烽火委輸金帛繒絮供給軍中并賜邊民茂亦建屯田驢車轉運冊府元龜曰魏源懷為車騎將軍蠕蠕寇邊詔懷禦之懷至雲中蠕蠕亡遁懷旋至恒代案視諸鎮凡可以築城置戍及儲糧積仗之處凡表五十八條數有克捷莫敢

亡叛

北齊書曰可朱渾元為車騎大將軍討西魏儀同金祚黑智達於東雍擒之又與諸將征伐數有克

捷降下天保初封扶風郡王

後周書曰李賢為宣威

將軍魏孝武西遷太祖令賢率騎士迎衛時山東人衆

多欲逃歸帝乃令賢以精騎三百為殿衆皆憚之

莫敢亡叛加授使持節車騎大將軍儀同三司

擊

周法尚

擒蕭寶夤

冊府元龜曰楊文紀仕周為車騎大將軍安州總管長將兵迎陳降

將李瑗於齊安與陳將周法尚軍遇擊走之以功進授開府又曰魏賀拔岳為車騎將軍隸爾朱天光為左

欽定四庫全書

卷一百一

四

相大都督討万俟醜奴擒寶寅王
慶雲天光雖為元帥而岳功居多

田宏盡心

楊素

竭力

後周書曰田宏為都督從太祖復宏農戰沙苑解
洛陽圍破河橋陣宏功居多太祖在同州文武並

集乃謂之曰人人如宏盡心天下豈不早定即授車騎
大將軍儀同三司隋書曰楊素仕周為車騎大將軍

從齊王憲拔晉州憲屯兵雞棲原齊主以大軍至憲懼
而宵遁衆多敗散素與驍騎十餘人竭力死戰憲僅以

獲免
貴寵最盛
功績顯著
後漢書曰馬防為城門校尉行車騎將軍軍事擊金城

隴西諸羌破之詔徵防還拜車騎將軍貴寵最盛與九
卿絕席魏書曰郭淮嘉平元年遷征西將軍都督雍

涼諸軍事與雍州刺史陳泰協策降蜀牙門將荀安等
詔曰昔漢川之役幾至傾覆淮在關右三十餘年外征

寇國內綏民彝比歲以來摧破廖化擒
擄荀安功績顯著今以淮為車騎將軍
破安豐王

敗安康賊

北魏書曰爾朱兆為車騎將軍元顥之屯於河橋兆進破安豐王延明顥於是退走莊帝

還宮論功除散騎常侍車騎大將軍

後周書曰陸騰為車騎大將軍與安康賊黃衆寶戰遂大敗之

攻琵琶城

破鯉魚柵

又曰李遷哲為車騎大將軍從開府賀若敦討樂熾等尋平南

出徇地遷哲先至巴州刺史牟安民開門請降安民子

宗徹等猶據琵琶城招諭不下遷哲攻而克之

冊府

元龜曰楊文恩仕周為車騎大將軍治冀州事討平党項羌及擊破山獠等又生擒壽陽劉叔仁及別從王誼

破賊於鯉魚柵

六傳會兵五校出塞

漢書曰周亞夫為車騎將軍景帝二年七

國反亞夫將兵東擊吳楚乘六傳會兵滎陽至雒陽從故父絳侯客鄧都尉問策遂堅壁昌邑南輕兵絕吳餉

道竟破吳楚又曰竇憲為車騎將軍以執金吾耿秉為副發北軍五校滎陽雍營緣邊十二都騎士及羌兵

出塞擊

亞夫不出 朱然夜追

又曰周亞夫為車騎將軍景帝時七國反

匈奴

亞夫東擊吳深壁而守使輕騎絕吳楚兵後吳數挑戰終不出頃之吳奔壁東南陬亞夫使備西北已而精兵

果奔西北不得入

冊府元龜曰吳朱然拜車騎將軍

征相中魏將李興等聞然深入斷然後道然夜出追之

軍以勝反大帝遣使拜

太祖賜玉帶 武帝賚竹策

然左大司馬右軍師

後周書曰李遷哲為車騎大將軍討樂熾等平之軍還

太祖以所服紫袍玉帶及所乘馬以賜之 隋書曰楊

素周武帝時為車騎大將軍父數終於大都督及

平齊之役素請率父麾下先驅帝從之賚以竹策 和

洪賜金銀

裴寬賜金帶

冊府元龜曰和洪周武帝時為車騎大將軍每戰有功前

後賜物萬段金銀各百錠 後周書曰裴寬為車騎大

將軍鎮孔城時北齊伊川郡守梁鮮嘗在境首抄掠文

帝命寬經略焉後鮮行過妻家宴飲既醉寬密知之遣兵往罷斬之帝嘉焉賜奴婢金帶粟帛等

金

祚破西軍

源懷據北蕃

北魏書曰金祚為車騎將軍邙山之戰以大都督從神武

破西軍除華州刺史文宣受禪加開府儀同三司後周書曰魏源懷宣武時為車騎大將軍正始元年蠕蠕南寇常代詔懷以本官加使持節前出據北蕃懷至雲中蠕蠕亡遁

達奚武覘敵

伊

婁謙觀覺

後周書曰達奚武為東秦州刺史齊神武趣沙苑太祖遣武追之具知敵之情狀以告太

祖深嘉焉遂破之進爵高陽公拜車騎大將軍隋書

曰伊婁謙初仕周為車騎大將軍武帝將伐齊從容問

之謙曰偽齊僭擅沈溺倡優麴蘖其折衝之將斛律明

月已斃護人之口若命六師臣之願也帝因使謙與少

司寇拓跋偉

于烈願緩蹕

王韶諫班師

冊府元龜曰于烈宣

聘齊觀覺

武時為車騎大將軍咸陽王禧反武興王楊集始馳告時帝從禽於野直衛無幾倉卒莫知所計乃敕烈子忠覘虛實烈時留守已有備因忠奏曰臣雖朽邁心力猶可此等猖狂不足為慮願緩驛徐還以安物望帝聞之甚慰悅宋書曰王韶初仕周為車騎大將軍轉軍正武帝既拔晉州意欲班師韶諫曰齊失紀綱主昏於上民懼於下取亂侮亡正在今日願

我未便可欺自

外無足慮

魏書曰源懷為車騎大將軍時蠕蠕南寇宣武詔懷禦之賜馬一匹細鎧一具御稍一枚

懷拜受乃跨鞍執稍躍馬大呼曰氣力雖衰尚得如此蠕蠕雖畏壯輕老我亦未便可欺今奉廟勝之規總驍悍之衆足以擒其首帥獻俘闕下其時年六十一後周書曰裴寬為車騎大將軍鎮孔城與齊雒州刺史獨孤永業相對永業有計謀多譎詐寬每揣知其情出兵邀擊無不克之永業嘗戒其所部曰但好慎孔城自外

無足慮其
見憚如此

東堂勞王肅

西堂餞桓沖

北魏書曰王肅宣武時拜

使持節都督江東諸軍事車騎將軍肅討擊齊軍於死
虎大破之還京師宣武臨東堂引見勞之以肅淮南屢
捷賞帛四千七百五十匹冊府元龜曰晉桓沖為車
騎將軍都督江州梁益交廣寧七州孝武餞於西堂賜
錢五十萬又以酒三百四十石
牛五十頭犒賜文武送至潁州

與劉備同謀

與李

瑒參波

又曰漢董承為車騎將軍開府時獻帝自都許

共誅之承遂與劉備同謀未發會備出征承與偏將軍
王服等結謀事泄為操所害北魏書曰蕭寶夤為車

騎大將軍開府西道行臺啓統軍李瑒

原劉琰不預

國政王堪不能禦難

蜀志曰劉琰字威石遷車騎將

丞相亮諷議而已 晉諸公贊曰王堪字世胄行車騎將軍征討諸軍事為石勒所襲堪歎曰我國家大將不能禦難何面目復還朝 增薦卑湛為博士 請麟之廷遂至被害孝懷悼之

為長史

三國魏志曰張郃河間鄭人明帝時為征西車騎將軍愛樂儒士嘗薦同鄉卑湛經明行脩詔

曰昔祭遵為將奏置五經大夫居軍中與諸生雅歌投壺今將軍外勤戎旅內存國朝朕嘉將軍之意擢湛為博士 冊府元龜曰晉桓沖為車騎將軍聞南陽人劉麟之名請為長史 薦應奉為司隸

表覆憐為郡守

後漢書曰馮緄為車騎將軍討平荊州蠻賊振旅還京師推功於從事中

郎應奉薦以為司隸校尉上書乞骸骨朝廷不許 後周書曰楊擲仕西魏為車騎將軍時宏農為東魏守擲從太祖攻拔之然自河以北猶附東魏擲父猛先為邵郡白水令擲與其豪右相知請微行詣邵郡舉兵以應

太祖許之擄與王覆憐等陰謀舉事遂拔邵郡衆推
擄行郡事擄以因覆憐成事遂表覆憐為邵郡守

原破單于登山紀功

殄羌賊獻捷振旅

上詳前登燕然山注謝

承後漢書曰皇甫嵩字義真拜車騎將軍討平涼羌
胡臨鹵庭埽殄羌人靡有孑遺率整二州獻捷振旅

討武陵平定荊州

破黃巾威震天下

漢書曰馮緄字鴻卿為車騎將

軍南征武陵蠻賊軍至長沙賊聞悉詣營乞降追擊斬
首四千餘級受降十萬餘人荊州平定賜錢一億固辭
不受華嶠漢書曰皇甫嵩拜車騎將軍領冀州牧嵩
溫恤士卒甚得衆情每軍行頓止須營幔脩立然後就
舍帳軍士皆食爾乃嘗飯嵩既破黃巾威震天下按黃
巾既平嵩奏請冀州一年田租以贍飢民帝從之百姓
歌曰天下大亂分市為墟母不保
子兮妻失夫賴得皇甫始安居

孝孫征羌帝親幸

府 義真討夷百官祖送

又曰馬防字孝孫行車騎將軍事與長水校尉耿恭同征

盧水羌還帝親駕幸其府

謝承後漢書曰皇甫嵩討

平涼羌夷選將士梟騎萬隊戎車三千公卿百僚祖送

於平樂

館大會

拜金日碑於卧内牀下

引張溫於崇德殿

下

漢書曰金日碑為車騎將軍拜於卧内牀下受詔輔少主張璠漢記曰張溫以司空拜加車騎將軍征

韓遂丙辰引溫於崇德殿

下溫以軍禮長揖不拜也

車騎將軍四

增安世深辭

漢書曰張安世宣帝初為車騎將軍光祿勳時大將軍霍光薨魏相請以安世為大

將軍帝亦欲用之安世請問求見免冠頓首曰老臣耳妄聞言之為先事不言情不達誠自諒不足以居大位

繼大將軍後帝笑曰君而不可尚誰可者安世深

羊

祜固辭

冊府元龜曰晉羊祜泰始初為都督荊州諸軍事後加車騎將軍開府如三司之儀祜上表固

辭

從征突厥

隋書曰錢拔為車騎將軍從楊素北征突厥加上開府煬帝即位漢王諒反於

并州又從楊素

從擊突厥

又曰王仁恭為車騎將軍從楊素擊突厥於靈武以

擊每戰先登

功拜上開府

縱兵攻城

冊府元龜曰陳章昭達為車騎大將軍帥師征蕭巋於江

賜物三千段

陵時蕭巋與周軍於峽山南岸築壘名曰安蜀城於江上橫引大索編葦為橋以度軍糧昭達乃命軍士仰

割其索索斷糧絕因縱兵以攻其城降之

率眾攻城

北齊書曰堯雄仕東魏為車騎大將軍行

豫州事時西魏以丘岳寶為豫州刺史據項城義州刺史薛顯據南頓雄率眾攻之一日拔其二城擒顯及長

史丘岳寶遁走獲其妻妾
將吏三千人皆傳送京師

力戰有功

後周書曰達奚實為大行臺郎

中從太祖擒寶泰復宏農破沙

力戰退之

冊府元龜曰李禮成

苑皆力戰有功加車騎將軍

仕周拜車騎大將軍伐齊之役從武帝圍晉陽禮成以兵擊南門齊席毗羅率精甲數千拒帝禮成力戰退之

當時名將

又曰魏鄧亮以都督從賀拔岳西征嘗先鋒陷陣以功拜大都督又以迎魏武功遷

左大都督從擒寶泰復宏農與沙苑之役並力戰有功遷車騎大將軍開府封長廣公以勇敢見知為當時名

將太祖謂曰卿文武

當時驍將

後周書曰怡峰為車騎大將軍與諸將征

蕙資即孤之孔明也

討每戰克捷沈毅有膽得

給三望車

宋書曰沈慶之為車騎大將軍

以郡公就第每從遊幸及較獵據鞍陵厲不異少壯太子妃上世祖金鏤七箸及杆杓帝以賜慶之曰觴酌之

賜宜以大夫為先也前廢帝即位賜慶之几杖給三望車一乘

給油絡車

冊府元龜曰南齊陳

顯達遷車騎將軍開府預廢鬱林之勲為司空進爵為公甲仗五十人入殿明帝即位進太尉加兵二百人給

油絡

所向摧殄

梁書曰胡僧祐為車騎將軍西魏寇至元帝以僧祐為都督城東諸軍事

魏軍四面起攻僧祐親當矢石獎勵將士眾咸為致死所向摧殄賊莫敢前

所向摧破

魏北

書曰李崇為車騎將軍揚州刺史崇深沉有將畧在州經十年嘗養壯士數十人寇賊侵邊所向摧破號曰卧

虎賊甚

原馬防位同九卿

華嶠漢書曰馬防行車騎將軍軍事位同九卿班同三

憚之

府也 鄧鴻在九卿上

東觀漢記曰永平六年鄧鴻行車騎將軍位在九卿上絕坐

增梁椿屢有戰功

後周書曰梁椿屢有戰功授車騎大將軍儀同三司大都督從戰河橋進

爵東平公

常善屢有戰功

又曰常善為龍驤將軍魏文帝大統初屢有戰功除涇州刺史

屬茹茹入寇善率所部

并將燕趙齊梁楚車騎

漢書

破之拜車騎大將軍

曰灌

嬰以車騎將軍從擊燕王荼明年從至陳取楚王信還剖符世世勿絕食潁陰二千五百戶從擊韓王信於代至馬邑別降樓煩以北六縣斬代左將破國騎將於武泉北受詔并將燕趙齊梁楚車騎擊破國騎於涿石

并將梁趙齊燕楚車騎

又曰傳寬為車騎將軍并將梁趙齊燕楚車騎別擊陳豨

丞相敞破之因降曲逆從擊豨布功益封定食邑五千三百戶

欽定四庫全書

御定淵鑑類函卷一百二

設官部四十二

衛將軍

左右衛將軍

親衛并載

左右衛官屬

親衛官屬附

中衛將軍並附

驍騎將軍

輔國將軍

左右武衛將軍

左右威衛將軍

領軍將軍

護軍將軍

衛將軍一

原杜氏通典曰漢文帝始用宋昌為衛將軍位亞三司其官屬附見大將軍後凡車騎驃騎衛三將軍皆金印

紫綬武冠絳朝服佩水蒼玉晉以陸協為衛將軍兼儀
同三司加千兵百騎東晉以後尤為要重後魏初加大
則次儀同三司孝文太和中制加大則位在太子太師
上歷代多有唐無之

衛將軍二

增漢書曰文帝至渭橋羣臣奉天子法駕迎代邸皇帝
即日夕入未央宮夜拜宋昌為衛將軍領南北軍 又
曰文帝三年遣灌嬰擊匈奴發中尉材官兵屬衛將軍